

2. D. B. V. 3.  
EXPERIMENTVM CONCI-  
LIATIONIS  
ENANTIOΦANΩN  
IN  
DECISIONIBVS MEVIANIS:

QVOD

IN LOCVM

DISPVATIONIS INAVGVRALIS,

AVCTORITATE ET DECRETO

INCLYTI JCTORVM ORDINIS

HABENDÆ,

PRÆSIDE

ILLVSTRI ATQVE EXCELLENTISSIMO

DN. NICOLAŌ CHRISTOPHORO  
LYNCKER,

HÆREDITARIO DOMINO IN FLVRSTÆT

ET KOETSCHAV:

JC. CONSILIARIO SAXO VINARIENSI INTIMO,

PRÆSIDE FACVLTATIS JVRIDICÆ

ET SCABINATVS ORDINARIO,

ANTECESSOR. ATQVE CVRIÆ PROVINC. ASSESS. PRIMARIO

VT ET COLLEGII JVRIDICI H. T. DECANO:

DN. PATRONO ET PROMOTORE SVO ÆTATEM DEVENERANDO:

PRO LICENTIA

SVM MOS IN VTROQVE JVRE HONORES ET PRIVI-

LEGIA DOCTORALIA LEGITIME CONSEQVENDI,

PVBLICÆ DISQVISITIONI TRADIT

GVSTAV. CAROL. SCHARNHORST,

VERDENSIS.

AD DIEM

JVNII, HORIS LOCOQVE CONSUVETIS,

J E N Æ,

LITERIS WERTHERIANIS. CIO IDC XCIV.





SACRÆ REGIÆ MAJESTATIS SVEDICÆ

PER

DVCATVM BREMENSEM ET VERDENSEM

*EXCELLENTISSIMO ATQVE ILLVSTRISSIMO*

DN. GVBERNATORI  
GENERALI,

*PERILLVSTRI ATQVE GENEROSISSIMO*

DN. PRÆFECTO MILITIÆ  
SVMMO,

*ILLVSTRI PARITER ET GENEROSISSIMO*

DN. CANCELLARIO,

VT ET

*TOTIVS REGIMINIS*

*GENEROSISSIMIS AC PERSTRENVIS*

DNN. CONSILIARIIS,  
VIRIS EMINENTISSIMIS.

*DOMINIS MÆCENATIBVS ATQVE PATRO-  
NIS GRATIOSISSIMIS, MAXIMIS,*

*HVMILLIME ET OBSERVANTISSIME COLENDIS,*

*FELIX REGIMEN  
PERENNEM FELICITATEM  
VITAM LONGÆVAM  
ET OMNE BONVM*

*DEVOTE PRECATVR;*

*AC SPECIMEN HOC INAVGVRALE,  
IN FIDEM, GRATISSIMI AC DEVOTISSIMI  
ANIMI TESSERAM, IN SVI SVORVMQVE  
STVDIORVM COMMENDATIONEM,  
MAXIMA CVM SVBMISSIONE*

*OFFERT ATQVE CONSECRAT*

*GVSTAV. CAROL. SCHARNHORST.*



I. N. J.

## PRÆFAMEN.

**C**um ab inclyto Jctorum Ordine  
aditus ad summos in utroque Ju-  
re Honores mihi benevolè con-  
cessus, idèdq; cogitandum esset de  
specimine inaugurali: per studium  
quò meritò teror in Decisiones *Mevianas* sum-  
mi Tribunalis Regii Wisuariensis, ad ea, quæ  
ambigua in illis visâ fuerant, explicanda animû  
applicui. Etsi verò hujus rei gravitas, ingenium  
acutum magis & exercitatum requirens, me ab-  
hinc faciliè deterrere debuisset. Quoniam tamen  
in magnis etiam voluisse sat est: speravi me veni-  
am impetraturum, si de aliquali resolutione, ma-  
gnâ alibi diligentia congestorum dubiorum &  
Variationum, ex Decisionibus illis *Mevianis*,  
non quidem contradicendi animo, sed publicæ  
rei gratiâ laborarem. Enimverò tenuitatis meæ  
abunde, conscius, non mihi tribuo, quasi exactè



dubia illa solverim, aut omnes calculos accurate posuerim: Hoc enim illorum est, quibus divinitus datum, ex effatò Sacratissimi Imperat: Justiniani, in §. 15. *de Confirm. ff. ad Senat.* subtili animò diversitatis rationes excutere: Sed tantùm, pro modulo ingenii & concesso tempore, tentare volui, quid existimarem dici posse, pro Summo Jcto, quem fama nunquam interitura, & auctoritas, quàm scriptis suis in plerisq; Tribunalibus Germaniæ, quasi cuncta ejus ex Tripode dicta essent, sibi acquisivit, jam dudum vindicaverunt. Ceu hæc, ex encomio, meritis Mevianis dignissimo, elegantissimæ præfationi ad Antimonias Mevian. subnexò, plenius videre licet. Quæ igitur in sequentibus Resolutionibus minus convenienter dicta occurrent, mihi, nihil humani à me alienum putanti, ignoscenda erunt: cui sufficiet, si fortè per hunc laborem ansam dederim aliis, quibus major eruditio, ingenium & usus, in tali scribendi genere, succurrere poterunt, hæc ipsa in melius producendi; ut magis magisque constare queat, nihil inutile, nihil perperam, in Decisionibus illis, sed omnia quæ in rerum obtinent argumentis, posita esse. Ad quod Summum Numen imploro, ut conatibus meis benignè adesse velit,

AD

## AD VARIATIONEM I.

**V** Idetur B. Dn. Mevius sibi reclamare in quæstione: An si una vel duæ sententiæ sint latæ super causa principali, tertia super desertione: liceat denuò provocare, quasi non essent tres conformes sententiæ? Sed Negativa tantum ejus est, quòd provocare non liceat, in *Dec. 309. n. 7. P. VII.* quæ, prout patet ex solidè ibidem deductis, juri convenientior. *vid. cit. Thesaur. Dec. Pedem. 122. n. 11.* Affirmativam verò Cravettæ *conf. 183. & Covarruv. Pract. quæst. 25. n. 5.* non approbat, sed refert tantum, in *Dec. 18. n. 5. P. 1.* idque ad magis demonstrandam evidentiam assertionis suæ, in *D. 18.* Postquam enim ibi dixerat: inter tres conformes sententias non connumerandam illam, quæ legitimum revisionis remedium rejicit: id eò magis verum esse putat, cum Dd. tradant, quòd ne quidem sententia super desertione lata, sit reputanda inter tres conformes: non verò quasi ipse hoc statueret. Nec obstat, quòd dicat in *simili* Dd. tradere, id enim (1.) ex mente citat. Dd. intelligendum, quòd illi *similiter* putent, non dici tres conformes sententias, ubi una super desertione fertur. (2.) Hoc simile, modò ultra *tertium* non extendatur, secundum Mevium eatenus admitti posset, quatenus utraque sententia, super desertione & denegatione revisionis, non videbatur ferire causam principalem directò; sed aliud punctum: sicque neutra posset dici conformis prioribus. At verò cum, eleganter docente Meviò, *Dec. 309.* conformitas sententiarum non pendeat ex verbis, sed mente & effectu, quatenus scil. ad idem tendunt *v. n. 1.* hinc pro fundamento *Dec. 18.* distingu. *inter sententiam, qua litis ingressum, sine plenâ causa cognitione, adeoque iniquè impedit, & illam qua legitime super desertione fertur; postquam appellatio recepta, ac ex diffidentia causæ deser-*

P. I. D. 18. n. 3.  
Non Obstat  
VII. D. 309.  
n. 7.

*deserta est.* Hæc non infert novum gravamen, sed deserens est in culpa: & idem est, ac si post legitimam gravaminum discussionem iudex ad quem contrà appellantem, pronunciasset, prioremque sententiam confirmasset. vid. Gail. *l. O. 138. n. 2.* Illa verò, cùm in dubio processus appellatorii recipiendi sint, Gail. *l. O. 159. n. 10.* per denegationem processuum illegitimam, & sine causæ cognitione factam, ut in casu *Dec. 18. P. 1.* de novo gravat, adeoque appellatio ab illa admittenda est. v. *c. 59. X. de Appellat.* Quibus bene perpensis salva res erit, inter *Dec. 18. n. 5. P. 1.* & *Dec. 309. n. 7. P. VII.*

## AD VARIATIONEM II.

I. Dec. 45.  
Non Obst.  
IV, Dec. 290.

**R**epugnantia putatur extare, inter *Dec. 45. P. 1.* & *D. 290. P. IV.* Sed non necessum erit, ut illam cum hac committamus: cùm Mevius *l. Dec. 45.* non asserat: generalem Germaniæ consuetudinem, quâ sub vocab. *Jurisdictionis* omni-modæ Jurisdictio venit, non sufficere pro asserenda jurisdictione criminali: non enim de illa quæstione aut consuetudine ibi agitur; sed videre licet ex *princ. Dec.* ibi tantum allegatam esse illam consuetudinem, quasi in Germania jurisdictionis prædio semper cohæreat, & quod ex concessione hujus, inferatur etiam concessio illius. Cum, verò hoc non sit universale, sed tantum in aliquibus locis, uti in Pomeraniâ &c. v. *n. 2. Dec. 45.* ita obtineat, ut sola possessio feudi jurisdictionis possessionem arguat: Ergo postquam appellans prætenfæ jurisdictionis criminalis, non alium allegasset titulum v. *Dec. 44. post num. 5.* quàm solam possessionem prædii: v. *Dec. 45. n. 4.* meritò decisum, illam particularem consuetudinem, non esse extendendam; sed ejus observantiam, cum facti sit, probandam, per tradita. *n. 4. 5. v. c. 1. de Constitut. in Geo. Masciard.*



*fiard. de Probat. concl. 423. n. 20.* præsertim ubi similia possidentur prædia in eadem provinciâ sine jurisdictione. His præmissis, apparet in *Dec. 290. P. IV.* eandem quidem causam esse, sed appellantem alium titulum, nempe, se in genere de iudicii potestate investitum, demonstrasse. *v. n. 1. & 8.* Hinc planè alia quæstio, ac in *Dec. 45.* & demum ea, quæ in *Variatione II.* formatur, scilicet: An hodiè, quando quis generaliter de iudicio investitur, **wird mit denen Gerichten belehnet**/nec quicquam excipitur, omnimoda jurisdictio, & sic etiam criminalis, concessa sit. *Affirm. in Dec. 290.* & quidem non sine ratione: cum enim hodie sub vocab. jurisdictionis merum imperium, mixtum imperium & jurisdictio in specie, veniat. *v. Hahn. ad Wesf. tit. de jurisdict. n. 8. verb. prerogata, circa fin. p. m. 189.* Hinc qui de jurisdictione in genere investitur, fundatam habet intentionem in omnes species: *v. Schrad. conf. 18. in-seg.* & concedenti imputandum est, quòd legem contractui non apertius dixerit, adeoque contra illum fit interpretatio. *L. 39. de pact. Conf. Carpzov. II. Conf. 40. def. 6. Vultej. de Feud. l. 1. c. 5. n. 5* idque eò magis, si similiter investiti jurisdictionem omnimodam exercent: *v. n. 12. Dec. 290.* quod momentum in *Dec. 45.* non poterat attendi, cum ibi tantum quæstio fuerit: an ex possessione prædii inferatur jurisdictio; ad quam Resp. negativè, cum multi Nobiles eodem in loco illà in prædiis suis carerent. Nunc autem de similibus idem est iudicium. Quamvis igitur B. Dn. Mev. in *Dec. 290.* sit diversus à *Dec. 45.* non tamen sibi est contrarius.

### AD VARIATIONEM III.

Post tres conformes sententias, uti in Camera Imperiali, *I. Dec. 63.*  
*v. Mynf. l. O. 15. & iudicio Dresdensi, Carpz. 3. Refp. 101.* Non Obst.  
 ita & in Tribunali Wisnariensi, appellationes recipi docet *VII. D. 308. & VI. D. 114.*

*Mev. l. Dec. 63. n. 6. Opponitur VII. Dec. 308. n. 2. ubi quòd non secus atque ut tertium provocare non licet, ita nec revisionem petere, nec restitutionem in integrum implorare, nec nullitates deducere, liceat: quæ remedia illis, qui gravatos se putant in Tribunali Wisnariensi concessa, at non aliter, quàm ubi provocare integrum. Sed disfidium illud in Variatione compositum est: Scilicet considerationem conformitatis, tempore natæ Dec. 63. an. 1653. nondum obtinuisse: quoniam ex præfatione ad Decisiones pateat, Tribunali Wisnariensi demum anno 1657. die 28. Jan. Ordinationem, omni numero perfectam, præscriptam esse; adeoque post illam aliud placuisse: neque deinde Dn. Mev. sententiam Dec. 308. mutasse, teste IIX. Dec. 12. Forte etiam Dec. 308. & Dec. 12. intelligendæ de tribus conformibus sententiis, à diversis Judicibus prolatis, & ubi bis provocatum: & sic non licere tertium provocare, etiam in Dec. 63. post num. 1. docuerat; Secus si idem Judex coram se tres quasi instantias faciat, post latam à se sententiam, remedium revisionis, restitutionis, leutationis &c. concedendo, & tunc ter conformiter judicet: Hanc enim conformitatem non attendi vult, ibidem: vid. post. n. 3. idque ad avertendam fraudem, quæ partibus & superiori judicio fieri posset: n. 4. & eatenus dicit post n. 1. L. un. C. ne liceat in una eademque causa: secundum verba accipiendam esse, de tertiâ provocatione; non de tribus conformibus sententiis. conf. Gail, l. O. 72. n. 3. Neque etiam Dec. 114. P. VI. obstat. Dec. 308. n. 4. P. VII. Quando enim in Dec. 114. dicitur: inter tres conformes sententias non connumerandam illam, quæ nulla est: hoc omnino intelligendum, si nullitas manifesta, uti patet ex inscriptione, Dec. & n. 2. secus si nullitas altioris indaginis; de qua loquitur Dec. 308, n. 4. Consentit Gail. l. O. 42. n. 12.*

## AD VARIATIONEM. IV.

**A**N sententia sine probatione lata sit ipso jure nulla? I. Dec. 119. Neg. Mev. *V. Dec. 402. n. 2.* videtur dissentire *I. D. 119. n. 7. 8.* At verò, cum in hac *Dec.* sit casus specialis, ubi scilicet Judex pro fundamento sententiæ ad protocollum se retulerat; v. *post. n. 7.* quod postea tanquam imperfectum & nullum impugnabatur: hinc pro reducendâ concordia, distingu erit *inter sententiam, quæ se refert ad aliquid*, v. gr. protocollum, acta, &c. quasi ex illis esset probatum, & *inter sententiam, quæ sine relatione ad aliud, tantum sine probatione fertur*: Quoad illam, de qua in *D. 119.* si postea apparet, id ad quod relatio facta, nullum esse, & vi probandi destitui, consequenter sententiam sine probatione latam: tunc fundamento collapsio necessario sententia labitur & nulla est. vid. *Affl. Et. Dec. 47.* qui sibi quidem contrarius in *D. 28.* at verò illi satisfacit Cæsar Urfil in *addit. ibid. addat. Felin. in c. inter cæteras. X. de re jud.* Hæc verò, quæ sine partium probatione fertur, non est nulla: atque ita intelligendus *V. D. 405. n. 2.* cum probatio illa partium non sit de substantiâ judicii; (nisi cum Bach. *II. Diss. 23. lib. 3. lit. C.* discernere velis *inter judicium in by otbesi & thesi consideratum*: ita ut hujus pars substantialis sit probatio. Sicque intelligi posset Mev. *I. D. 119. n. 8.*) vid. *citat. Autor. ap. Mev. in D. 405. conf. Illust. Dn. Præses in Anal. ad Dessel. Erot. Jur. Can. p. 94. tit. 18. ad rubr.* sed tantum de justitiâ sententiæ sit, adeoque sine illa contra jus litigatoris proferatur. v. Vant. *de nullitate ex defect. Process. n. 38. 39.* Sententia enim ex verâ & justa causa præsumitur lata, donec probetur contrarium: v. *c. 13. & 16. X. de Re jud.* quod statim patet, si constat, id quod judicem movit, aut ad quod se retulit, nullum esse. v. *Cas. Urfil. ad Affl. d. Dec. 28. n. 6.*

## AD VARIATIONEM V.

Variarum  
Decisionum  
apparens di-  
scordia ad  
concordiam  
reducitur.

**A**N mulier quæ talis, circa restitutionem in integrum, utatur jure minorum? Negativa verior. vid. Sfort. Odd. de Rest. in integr. P. 1. q. 10. art. 6. n. 35. Dn. Præses in Anal. ad ff. tit. de Minor. p. 83. neque enim mulieres minoribus per omnia comparantur. *lult. pr. ad Sc. Vellej.* Consentit B Dn. Mev. I. Dec. 133. & IV. D. 32. n. 8. in f. Non obstat, quod in D. 129. n. 8. & D. 130. n. 1. 2. P. II. it. in D. 84. post n. 4. P. III. & D. 218. P. I. restitutio concedatur mulieri: ibi enim specialis ratio singulare jus facit, *sicubi mulierum & minorum par est conditio: illa pariter ac hi restitutione gaudent*: nunc autem mulieri in damno vitando, æquè ac minori jus ignorare permissum; *L. 8. & 9. pr. de jur. & fact. ignor.* hinc merito mulier per Dec. 218. P. 1. contra lapsum fatilium, ex causa ignorantie juris; restituta. Non aliter in Dec. Elect. Sax. Dec. 4. ibi: Und dann die Weiber mit denen Minderjährligen und Communen dißfalls nicht ungleiches Recht haben. Quod ad D. 129. n. 8. & D. 130. P. II. it. D. 84. P. III. attinet, illæ pariter agunt de speciali causa, qualis est dotis, quæ restitutionem operatur: cum Reipubl. intersit mulieribus dotes esse salvas. *l. 1. solut. matr. l. 18. de reb. auct. jud. poss.* Licet igitur mulier hypothecam pro dote remittere marito possit; *l. 11. & 21. C. ad Sc. Vellej.* non tamen dotis causam pactis deteriore facere potest: *l. 17. de pact. dot.* & quoties jacturam dotis inde passura est mulier, restituitur, *non tam quàm mulier siue favore sexus*, de quo quæstio in I. D. 133. *quàm dotis & ne Respubl. ladatur.* v. Fab. in Cod. IV. 21. def. 25. n. 4. & def. 13. n. 5.

## AD VARIATIONEM VI.

I. D. 106.  
N. Obft.  
IX. D. 300.

**P**RO meliori conciliatione hujus Variat. circa quæstionem: *Quomodo ad immisionem requiratur debitum certum?*



*certum?* præmittendum, hoc dupliciter sumi posse (1.) pro illo debito quod in genere certum; ubi constat aliquid deberi, licet quoad quantitatem adhuc sit incertum. (2.) pro debito quod non solum in genere sive substantiâ, sed etiam in quantitate certum, imò omni ex parte liquidum. v. Fab. in Cod. III. 23. n. 2. & 5. Illud requiritur ad omnem immissionem, quia sine eo fieri non debet. tot. tit. ff. & C. de reb. auct. jud. poss. Quoad hoc verò distingu. inter *immissionem, quæ sit solius custodiæ causa* seu *ex primo decreto*; & *inter immissionem quæ non custodiæ, sed solutionis exigenda gratia, adeoque ex secundo decreto sit.* Ad illam de qua in *II. Dec. 300.* (ubi expressè in princ. & post verba: *Nec enim:* discernitur executio ab immissione in bona pro residuo decreta) non requiritur debitum certum, secundo modò sive omni ex parte liquidum; v. n. 2. 3 & 4. Fab. in Cod. VII. 20. def. 10. n. 6. bene tamen ad hanc, quæ non custodiæ tantum, sed exigendæ inde solutionis, causa sit (de qua agitur in *I. D. 206.* uti aperte patet ex princ. ejus.) cum sit executionis species & distractioni similis. v. not. n. 1. & Fab. in Cod. VII. tit. 20. def. 51. n. 5. 6. Sub hoc igitur discrimine oppositæ decisiones amicè inter se conspirare liquet.

## AD VARIATIONEM VII.

**A**N citatio in summarissimo sit necessaria? Videtur de *II. D. 237.* hoc variè disserere B. Dn. Mev. in *D. 237. P. II. & D. 14.* <sup>N. Obf. IX, D. 14.</sup> *P. IX.* sed apparenti illo disfidio in ipsa Variat. sublato; nempe in *summarissimo non opus esse citatione ante causæ cognitionem, aut si periculum in mora*; de quo casu in *D. 237. n. 4. 5. P. II. conf. III. D. 164. pr.* (adeò ut etiam Judex ex officio, nulla parte petente, tunc ad summarissimum properare (ut loquitur Mev. *post. n. 5. D. 237.*) pro servanda

quiescere possit. vid. Ludov. Perusin. *l. D. 20. n. 7. Grav. l. concl. 6.*) bene tamen in ipsa causæ cognitione, & ubi periculum non est in mora, atque sic intelligendam *Dec. 14. n. 3. P. IX. Transimus*

## AD VARIATIONEM IIX.

II. D. 241. **U**bi adducitur discordia inter *Dec. 241. n. 6. P. II. & D. 48. n. 4. P. VI.* Cum verò in *D. 241.* non dicatur, per solam acceptionem usurarum à debitoris debitore priorem debitorem liberari; sed tantum quòd concurrentibus aliis ibi adductis (*n. 1. 2. 3. vid. post. n. 11. & 12.*) urgentibus conjecturis, probetur delegationem factam esse. Hinc non patet contradictio, quando in *VI D. 48. n. 4* negatur per solam acceptionem pensionis annuæ à secundo conductore, primum liberatum: cum novatio non præsumatur; *l. f. C. de novat.* ad delegationem autem inducendam requirantur concludentes conjecturæ, quæ hic deficiebant: è contrà verò in casu *Dec. 241.* aderant, uti ex utriusque inspectione clariùs patescit. Et licet usuras ab aliquo accipere, indicium sit, aliquem haberi debitorem, quia usuræ sunt sortis accessio, nec sine ea præstantur: *Mev. Dec. 241. n. 6. Carpzov. V. Resp. 93. n. 32.* tamen exinde solo non probatur, aliquem præ altero electum esse debitorem, & priorem liberatum; nisi, uti in *l. 1. § 10. & 15 de separat.* dicitur, quis eà mente usuras acceperit ab alio, quasi eum eligendo, sive tanquam à suo debitore; ut ait *Mev. l. c. conf. Brunnem. ad cit. l.* Pariter quando pensio à secundo conductore accipitur, hoc quidem indicium est, locatorem contractum ratificasse; at verò exinde non sequitur quòd prior conductor sit liberatus, prout eleganter demonstrat *Fab. in Cod. L. 4. tit. 41. def. 28.*

## AD VARIATIONEM IX.

**C**reditoribus pignora sua possidentibus, excitatò concursu, liberum est, an nomen in concursu profiteri, an verò rei incumbere, & petitionem aliorum contra se expectare velint, *Mev. III. D. 252. n. 5. Cothm. V. Resp. 28, n. 32. &c.* An verò solennis illa protestatio, qua aliquando Creditores utuntur, de se non jungendo concursui, sed inhærendo specialis hypothecæ juri, semper utilis sit? Videtur *Mev.* variè de illà quæstione sentire, verùm ponderatis utriusque Decisionis circumstantiis, patebit oppositas Decisiones non esse contrarias, sed diversas. Nam in *II. D. 287. n. 1.* non *denegat illi Protestationi omnem utilitatem*, cùm expressè dicat, quòd non velit de eo disputare: negativa itaque, in quam videtur propendere, in casum propositum temperanda erit: si scilicet specialis hypotheca facilè posset fieri inidonea, ut immissus integram solutionem inde capere non possit: tunc enim protestatio eatenus contrà protestantem operatur, ut variare (quod in casu *D. 287.* is qui generalem & specialem hypothecam habuerat, *v. pr.* sed protestatus fuerat, intendebat,) postea nequeat: *c. quod semel placuit. 21. d. R. J. in 610. v. l. 5. de separat.* quod tamen citrà protestationem illam liceret. *v. IV. D. 48. n. 4.* Ubi ergo nihil horum timendum, nec aliorum creditorum jura potiora: ibi utilius erit rei incumbere; juxta *D. 250. n. 4. P. VII.* quamvis etiam in hac *Dec.* non præcisè loquatur de protestatione, sed tantùm decidat, quòd immissus non opus habeat allegatione debiti defungi, & tamen *n. 4.* addit, quòd abundans cautela non noceat: quæ sententia in omnem eventum tutior. *v. Ax. Barbof. L. 1. tit. 6. Ax. 3.*

*II. D. 287.  
N. O.  
VII. D. 252*

## AD VARIATIONEM X.

II. D. 301.

N. Obf.

IV. D. 51.

Postquam in Variat. hac, concordēs factæ, D. 301. n. 2. P. II. & D. 51. P. IV. nimirum, *illam loqui de judice eodem, qui probare jussit*, hunc si irrelevans quid admisit ad probandum, post sententiam quâ id injunxit, nihil inde mutare posse, *bene tamen superiorem, ad quem causa per appellationem devolvitur*: D. 51 putatur remanere dubium, quod sic nihilominus sententia in rem judicatam prolapsa annulletur. Sed videtur Mev. in D. 51. n. 2. 3 id resolvere, quando dicit: *Nec obstat, quod Judex prioris instantia ut relevans quicquam admisit, ejusque probationem adversarius fieri passus. Hoc enim si perperam & nullo jure factum, non adstringit in secunda judicem, cum appellatio in hæc reducat causam in eum statum, in quo tempore litis contestata fuit*; & c. per l. 6. §. 1. C. de appell. & ejus beneficium, utrique parti commune fiat. Conf. Brunnem ad l. f. C. de appell. n. 2. Quando igitur in primâ instantia emtor ad redhibitoria remedia, suæque de vitio allegationis probationem, admissus fuerat, cum tamen de jure ob plures rationes (v. præc. D. 49. & 50. P. IV. quod scilicet redhibitoria actioni præstitutum semestre spatium ex *Ædil. Edict.* jam præterlapsum; vitium allegatum in sensus incurrebat, quod non facit locum redhibitioni l. 14. §. 10. eod. etiam si quis commendaverit rem venditam, l. 43. §. 1. de contrab. emt. add. Illustris Dn. Præses in *Anal. ad ff. p. 250.*) admitti non debuerat, sententia illa manifestè iniqua erat, quæ nulli æquiparatur; c. 9. X. de re jud. & sic in rem judicatam non transit: adeoque Judex ad quem illi nullo modo adstrictus est. vid. Nizol. alleg. 15. n. 1. & 32.

## AD VARIATIONEM XI.

III. D. 17.

N. Obf.

IV. D. 32.

Uti quædam singularia in Jure Civili circa hæreditatis additionem, constituta, ut, licet aliàs tutor sit domini loco



loco *l. 27. de admin. tut.* & nomine pupilli agat; tamen necessario pupillus infantia major tutore auctore hæreditatem adire debeat. v. *Lauterb. Compend. Jur. ed. d. t. p. m. 467. in O. l. 18. §. 2. & 4. C. de jure delib.* imò, quòd ne quidem curator intervenire possit, sed tutorem habenti, si hic auctoritatem præstare nequeat, alius tutor, contra regulam *in §. 5. Inst. de Curat.* interim dandus sit, *L. 17. de de appell. l. 19. de auct. tut.* cùm hic de integranda persona pupilli agatur: uti eleganter docet prælaudatus Dn. Præses, Patronus & Promotor noster ætatem devenerandus. *in Anal. ad Instit. Locam. p. 46. pr. & p. 58. pr.* Sic etiam specialiter cautum, per procuratorem quàm talem, non posse adiri hæreditatem, *l. 90. de A. vel. O. H* ne quidem specialiter mandante hærede: hoc modo enim hæres voluntatem suam declarando ipse potius adit, *Perez. in Cod. de Jure delib. n. 22. vid. Cujac. l. O. 34. & procurator hoc casu tantùm spectatur ut nuntius; ita ut actus in persona ejus non radicetur, Dn. Præses ad ff. in Anal. p. 320. sh. 25.* Quando igitur maritus nomine uxoris, hac verò non consentiente, hæreditati soceri se immiscuerat, non poterat hoc nocere uxori aut ejus liberis. *Mev. III. D. 17.* Cui non obstat, quod *IV. D. 32.* habetur. *Alia enim ibi questio,* scilicet; An maritus de bonis uxori jam acquisitis, propter mandatum generale, eique annexum jus liberæ administrationis, quando simul per mores ejus curator est, validè transigere possit? Quod meritò affirm. per tradita *ibid. & Cothm. II. Resp. 53. n. 129. v. l. 3. C. de integr. restit. minor. Brunnem. ad L. 2. C. qui dar. tut.*

## AD VARIATIONEM XII.

**A**N in causis summaris reconventioni locus? *Aff. clem. III. D. 12 n. 17. N. Obst. III. D. 170.*  
*sape. 2. §. verùm quia. de P. S. Mev. III. D. 22. n. 1.* Videtur id negare *III. D. 170. n. 2.3.* Verùm cùm reconventio-

nis duplex ( quamvis Carpzov. in *Proc. tit. 6. art. 3. n. 1.*  
 triplicem faciat ) sit effectus ( 1. ) quòd proroget jurisdi-  
 ctionem ; modò tamen judicis jurisdictio ratione causæ  
 vel rei, quæ reconventionem continetur, fundata sit. Carpz.  
*l. C. 7. d. 4. n. 2.* Dn. Præses in *Anal. ad Jus. Can. p. 77.*  
 ( 2 ) quòd simultaneo processu causa con- & reconventio-  
 nis sit peragenda. vid. Brunnem. *ad l. 14. C. de sent. &*  
*interl. n. 4.* Hinc affirmatiya in *III. D. 22. n. 1. intelligenda*  
*erit*, quòd *illi locus sit in causis summariis, post judicium,*  
*summarium finitum coram eodem iudice* ; non verò quoad  
 effectum *simultanei processus*, ( quem aliàs in causis ordi-  
 nariis habet, v. Myns. *l. O. 10. n. 1.* ) eatenus enĩ negatur  
 in *III. D. 170. post. n. 1. verb. ad illum effectum, ut cum actio-*  
*ne tutela pari passu ambularet.* Quòd autem reconven-  
 tio tutoris in actione tutelæ quoad effectum simultanei  
 processus admissa, ex speciali ratione à Dn. Mev. adducta  
 pendet : quoniam illa nihil aliud contineret, quàm quod ad  
 tutelam spectaret, essetque tantum exceptio de expensis  
 v. *l. 1. §. 4. de contr. tut.* & actio pupilli ad reliqua ten-  
 dens non poterat antè dici liquida, nisi deductis & exa-  
 minatis impensis, cum hæ ipso jure debitum minuant / 5.  
*de impens. in res dot.* uti hæc plenius deducit Mev. *l. c.*  
 Possset etiam dici, in Executivis & causis summariis recon-  
 ventioni locum esse, secundum *D. 22. n. 1. P. III.* quoad ef-  
 fectum simultanei processus ; modò causa reconventionis  
 etiam sit summaria & ejusdem naturæ. v. Berl. *l. concl. 22.*  
*n. 31. &c.* quò collimat *Ordin. Tribun. Wismar. P. II. tit. 15.*  
*§. 2.* Non verò, si reconventio causam ordinariam conti-  
 neat : *Dec. 170. n. 3. P. III.* tunc enim prius conventio fini-  
 enda, ne actor beneficio summarii processus, qui ( uti dici-  
 tur in *l. f. C. de Naufrag.* ) levato velo peragendus, pri-  
 vetur. v. Illustr. Dn. Strykius, Patonus noster colendisfi-  
 mus,

mus, in *Introd. ad Prax. c. 14. §. 4.* Brunnem. *ad l. 14. C. de sent. & interl.*

### AD VARIATIONEM XIII.

**N**otarium in his, quæ ad officium ejus pertinent, & hujus <sup>III. Dec. 171.</sup>  
*causa coram & ab ipso geruntur, duorum testium vicem* <sup>Non Obst.</sup>  
*habere, ut ejus testimonio, licet singulari, fides detur, statuit* <sup>IV. Dec. 13.</sup>  
Mev. III. *D. 171. n. 3. 4.* Cum his videntur pugnare, quæ  
leguntur IV. *D. 13. n. 4.* ubi quando per duos testes probandum, in testamento subscriptionem testium adfuisse: nuda notarii assertio ad hoc non sufficit. Sed præterea quæ in Variat. habentur, scilicet exceptionem esse in ultimâ voluntate probandâ, quæ difficilior & delicatior: cum materia testamentorum, fraudibus variis subjecta: (de quibus sanè timendum erat in casu *D. 13.* cum is quem negotium contingebat exhibuerat imperfectum testamentum, v. Cothman. II. *Resp. 68. n. 63.*) item Notarium duorum testium vicem supplere, cum alia adminicula apparent, *uti in D. 13. post n. 5.* dicitur; Forte pro ulteriori conciliatione addi posset prædictum *requisitum D. 171. n. 3. 4. defecisse in casu D. 13.* Non enim apparet ex *Dec. bñc.* quòd Notarius propterea adhibitus fuerit (*quod tamen vult D. 171.*) ut instrumentum publicum super toto actu testandi tanquam testamento nuncupativo conficeret, neque etiam tale instrumentum ibi productum legitur: sic enim sine dubio plena fides illi habenda fuisset. Carpzov. III. *C. 3. def. 37. Richt. D. 32. n. 16.* Sed dicitur, Notarium confessioni testamenti tantum interfuisse, *v. pr.* ut scribentem, vel alium testem, & postea, cum testamentum imperfectum quoad subscriptionem testium produceretur, hanc intervenisse, nudâ assertionem Notarii producentem probare voluisse: merito igitur decisum, hanc probationem non sufficere, cum soli scripturæ Notarii absque testibus non

credatur: *Nov. 73. c. 5. Carpz. I. C. 20. def. 2. & aliàs Notario de præterito attestanti plena fides non habeatur Afflict. Dec. 48. n. 36. conf. Cothmann. l. cit.*

#### AD VARIATIONEM XIV.

III. D. 201.  
Non Obft.

II. D. 93.

**A**N delatum juramentum judiciale, post acceptationem ab adversario factam revocari possit à deferente? admodum variant Dd. Negant Lauterb. in *Colleg. Jur. Tit. de jurejur. 16. 69. Modest. Pistor. I. q. 23. n. ult. Struv. Ex. 17. 16. 38. Affirmativa de jure defendi potest. L. 11. C. de R. Cred. Fab. in Cod. L. 4. tit. 1. def. 3. n. 5. 6. 7. item def. 22. Cui etiam Mev. III. D. 201. n. 2. adstipulari videtur. Quando verò in oppositâ *Dec. 93. n. 3. P. II.* illam ex certis causis tantum concedit, benignus arbiter pro inducenda concordia, donec melior appareat, admittet: in *D. 201.* ubi dicitur revocationi locum esse usque ad finem litis, præsupponi causas, de quibus in *D. 93. n. 5. & 6.* scilicet si aliæ legitimæ probationes supervenerint, aut deferens acceptantem pejeraturum docere velit. vid. *Carpz. I. c. 12. def. 4. inf. Lauterb. l. c.**

#### AD VARIATIONEM XV.

III. Dec. 314.  
Non Obft.

II. D. 48.

II. D. 52. n. 1.

**P**ER *Nov. 90. c. 4. & inde sumtam auth. At qui semel. C. de Probat.* denuum prohibitum, ne post didicita attestata sive publicationem eorum, de novo super iisdem, vel directò contrariis articulis testes producantur: Illud verò tantum pertinere ad primam instantiam per *L. 6. § 2. C. de appell. & l. 4. C. de tempor. appell.* volunt Dd. v. Brunn. ad. d. LL. Interim de *Jure Canon.* expressè id ad secundam instantiam extensum, per *elem. 2. de Testibus. An verò hæc element. in Tribunali Wismar. recepta?* Mev. IIX. D. 48. ibi non solum super iisdem, sed & directò contrariis articulis, licere novos testes producere, in Appellationis instantia, testatur, *n. 3. & 4. addendo textum Juris Canon.*



Canon. à Jure Civ. & Imperii praxi alienum esse. *n. 10.* Videtur maximoperè ob stare III. *D. 314.* ubi *n. 2.* dicitur, quòd sententia Pontificis pro veriori tandem habita, & in judiciis servari cœpta sit. At verò *hæc verba D. 314. non indistincte erant intelligenda; sed de aliis judiciis extra Camera Imperialem & Tribunal Wisuariense; præsertim, cùm Myns. I. O. 41. in utrâque Dec. alleget, ex qua tamen apertè constat, quòd licet sententia Pontificis, de jure sit verior & receptior (scilicet alibi) tamen illam in Camera non servari, adeoque Mev. in D. 314. id tantùm inferre vult: licet in judiciis aliis servetur dispositio Juris Canon. tamen illam ad casus quos ibi recenset, ne quidem pertinere: ergò de his nullum dubium esse, quin ulterior probatio admittatur. Non officit etiam II. *D. 52. n. 1.* loquitur enim de prima instantia. Cœterùm quinam dicantur articuli iidem, quinam directo contrarii, accuratè exponit Kettler. *D. 18. n. 12. &c.**

## AD VARIATIONEM XVI.

Diversa cùm sit ratio legati, & debiti statutarii, supersti-  
ti conjugii competentis: illud enim non debetur, nisi  
deducto omni ære alieno *l. f. §. 5. C. de Jur. delib.* hoc  
verò computatur inter æs alienum defuncti, v. Cothman.  
II. *Resp. 51. n. 155.* Carpz. VI. *Resp. 48. n. 6.* & deducitur  
ante legata, etiam si hæc ad pias causas relicta sint: Cothman.  
II. *R. 74. n. 146. 150.* adèd ut etiam Lauterb. in *Colleg. Tit.*  
*de inoffic. test. §. 46.* velit, portionem statutariam deberi  
ante legitimam; quamvis non sine ratione dissentiat Carpz.  
*l. c. n. 3. &c.* Hinc non apparet dissidium, aut ullibi malè  
decisum, quando. in *D. 381. P. III.* statuitur, vindicationem  
rei legatæ repelli exceptione crediti; è contrà verò in  
*D. 445. P. II.* portionem statutariam deberi eo modo, quo

III. *D. 381.*  
N. Obft.  
II. *D. 445.*

constitutum. Et quando quibusdam visum fuerat, distinguere, scilicet extantem currum & equos extra concursum præcipi à Viduâ, non extantium æstimationem deberi post credita; tamen illam distinctionem, ut Constitutioni Wollinenfi *de an. 1569.* non congruentem, ipse in fine rejicit; non inmemor sui; uti patet *ex alleg. D. 244. P. VI.* ubi idem jam docuerat.

## AD VARIATIONEM XVII.

IV. D. 5.  
N. Obft.  
VI. D. 405. &  
IX. D. 78.

**H**ic prænotandum erit, quòd nullo probarò deferre juramentum, dupliciter dicatur (1.) quando quis statim ab initio, antequam aliter probare conatur, juramentum, desert. (2.) ubi post aliam probandi viam, frustra tentatam, ad juramenti delationem quis recurrit. vid. Hahn. ad *Wesf. Tit. de jurejur. n. 1.* Pro meliori nunc conciliatione oppositarum Decisionum diversæ paululum quæstiones formandæ erunt, (1.) *An quis post frustrâ tentatas alias probationes, variare & juramentum deferre possit?* Affirmativam, quæ de jure verior. *L. 35. pr. l. 38. pr. De jurejur. l. 11. C. eod.* rectè tuetur *Mev. IV. D. 5. n. 5. conf. II. D. 98.* nec ullibi ejus mens contraria apparet. (2.) *An statim ab initio, ante aliam probandi viam electam, possit deferri juramentum?* Affirm. per *II. cit. Mevius VI. D. 405. n. 4.* modò tamen aliqua præsumptio militet pro deferente; *n. 9. addit. Cothm II. Resp. 82.* secus verò si illius, cui deferitur, intentio juris præsumptioni, (*uti in casibus Dec. 405. v. inf. & D. 260. n. 6. P. III. ubi illi, quibus delatum juramentum, instrumentis suas intentiones demonstraverant,*) innititur, ut deferentis intentio planè inyerisimilis fiat. Neque enim quis in re planè illiquidâ tenetur subire juramentum; Illostris *Dn Lyncker. in Anal. ad ff. p. 352. sb. 36.* *Cacher. Dec. 69. n. 3.* multò minùs ubi alter intentionem funda-

fundatam habet & à sua parte aliquid probavit; prout Mev. in D. 405. P. VI. § 260. P. III. satis accuratè deducit. Denique non obſt. IX. D. 78. n. 1. &c. ſatis enim præſumptionis adest, quando apparet, deferentem ex juſta cauſa aliter probare non poſſe: nunc autem hæres, (*de quo ibidem*) in juſtâ ignorantia facti defuncti verſatur: L. 19. de R. J. nil itaque prohibet, quin juramentum deferre poſſit. Et hanc Meyii ſententiam confirmat *Ordinat. Tribun. Wiſm.* P. II. tit. 34. §. 3. ad quam provocat in VI D. 405. Ex quo pateſcit, quòd ſibi in his quæſtionibus benè conſtiterit.

## AD VARIATIONEM XIX.

**I**cet primâ fronte, uti loquitur Jctus in L. 12. de pro-  
*bat.*, non levis appareat diſcordia inter oppoſitas *De-* IV. D. 14.  
*ciſ.* videtur tamen commodè enucleari poſſe. Qu. itaque N. Obſ.  
 IX. D. 2.  
*An legitima liberis in teſtamento parentum, etiam privile-*  
*giato, ſit relinquenda titulo institutionis?* Aff. Nov. 15. c. 3.  
 Mev. IV. D. 14. n. 3. &c. ubi quòd in tali teſtamento, ne-  
 ceſſitas liberis legitimam titulo institutionis relinquendi  
 remiſſa non ſit. Opponitur IX. D. 2. n. 2. ubi quòd ne-  
 ceſſe non ſit, hanc institutionis titulo dare. Verùm Di-  
 ſtinguendum *inter titulum institutionis expreſſum & ta-*  
*citum*: de illo intelligenda D. 2. de hoc D. 14. Hinc diſertè  
 dicitur in D. 14. poſt n. 7. titulum institutionis ſemper re-  
 quirimus, non verò ut *inſertione expreſſa opus ſit*, ſed ut  
 ex diſpoſitione intelligi poſſit: quod ſit (*uti in noſtris ad-*  
*ditur*) ſi teſtator quid det ſub nomine legitimæ: Bocer,  
 D. 267. aut ſi pater inter liberos bona dividat. Gail II. O. 116.  
 n. 7. 8. Cùm igitur hoc feciſſet Pater, in caſu D. 2. P. IX.  
 uti videre eſt *ex num.* 7. quòd cuilibet liberorum certas  
 quotas hæreditarias aſſignaret; merito ibi teſtamentum  
 vali-

validum declaratum; quoniam institutio qualibuscunque verbis facta sustinetur, & communia verba, v. g. relinquo legitimam, habeat legitimam &c. sufficiunt. vid. Illustr. Dn. Lyncker. in *Anal. ad ff. p. 101. in f. Richt. Dec. 40. n. 7. it. II. Conf. 394. n. 6.* At verò in *casu D. 14. & titulus expressus & tacitus deficiebat*: cum nulla portio sub nomine legitimæ, sed uti ex *nec. seq. 15.* patet, certa pecunia, dotis & ornamentorum nomine, relicta esset: nuuc autem non sufficit partem quantam, præsertim alio quam legitimæ intuitu, liberis dare. Carpz. III. C. 9. def. 8. Dissentit Strauch. *Dissert. Justin. 9. tb. 38.* Sed vid. Ill. Dn. Lyncker in *Anal. ad Inst. p. 137. pr.* Neque etiam dos in testamentis instar legitimæ habetur. *Mev. citat. D. 14. n. 6* secus verò in Saxonia obtinet, ubi etiam sub nomine dotis relinqui potest. legitima *Richt. l. c. Carpz III. C. 9. def. 9.*

#### AD VARIATIONEM XIX.

IV. Dec. 59.  
Non obft.  
V. Dec. 183

**C**irca interventionem mulieris pro dote, quando illa impedit immissionem creditorum in bona mariti? diversè quidem statuit B. Dn. *Mev.* ast non sine ratione: cum etiam variâ circumspectione & discussione ibi opus sit, propter diversas variantes circumstantias; ut ex sequentibus constabit. Regulariter verò constante matrimonio illa locum non habet; *L. 22. soluto matr.* nisi ubi periculum dotis: adest sicque intelligenda. *D. 59. n. 2. & c. P. IV.* Cui non *Obst. V. D. 183. ibi enim mulieri satis prospectum erat*; uti dicitur *num. 2.* Interim propter utilitatem materiæ ductu *Mevii* quædam subjungemus. Uterius enim, quoad effectum interventionis, distingu. inter mulierem, quæ specialem ex pacto hypothecam, & eam quæ saltem ex lege generalem habet: illius interventio statim excludit immissionem; *IV. D. 59. post n. 19.* modò pignus utrique non sufficiat. *IV. D. 380. n. 4.* Si verò sufficit eatenus tantum, ut pignus non adju-  
dice-



dicetur creditori, nisi & mulieri satisfactum aut prospectum sit. v. *IV. D. 107.* Quoad hujus interventionem verò, iterum Distingv: aut dos est liquida, & sicuti dicitur in *D. 59 P. IV.* non repellitur uxor interveniens, eatenus ut cognoscatur an immissio doti officiat; quò tendit hæc *Dec.* Si igitur constat, mulieri per illam non præjudicari (alias enim secura reddenda de dote. v. *V. D. 89.*) interventio illam non impedit; & eatenus propter interventionem rejectam non admissa restitutio in integrum, in *D. 183. P. V.* Si vero non liquida: multò minus interventio potest impedire immissionem; sed sufficit, si in omnem eventum, postquam dotem liquidam fecit, hujus repetitio mulieri salva sit *d. Dec. 183. n. 7. add. V. D. 58.* Cæterùm prouberiore hujus quæstionis explicatione confer *V. D. 57.* ubi ferè omnia momenta, quæ in interventione mulierum pro dote attendenda, accuratè deducuntur.

## AD VARIATIONEM XX.

**R**egulariter Executio sententiæ contra tertium qui, in li- IV. D. 84.  
N. O.  
VII. D. 124.  
te non fuit, fieri nequit. *L. 63. pr. de Re. Jud.* vid. ta-  
men *Mey. VIII. D. 380. ubi distingvit.* An vero contra  
tertium possessorem executio siue immissio ex Constitutione  
*Ducatus Bremensis, von Wucherlichen Contracten,* locum  
habeat sine novò processu? *Neg. Mey. IV D 84.* dicens.  
hanc Constitutionem tantùm (scilicet regulariter) contra  
debitorem obtinere, (quam sententium *ibi n. 2.* commu-  
nem dicit:) contra tertium verò ordinariâ actione agen-  
dum esse. Cui non refragatur *VII. D 124.* cùm ibi etiam  
expressè dicatur: etsi hypotheca constituta sit tamen tertium  
observato juris ordine conveniendum esse: additur autem  
exceptio à Regula: nisi pactum paratæ executionis hypo-  
thecæ constitutæ sit adjectum v. *n. 3. 4.* Et quando *Coler.*  
*in P. E. p. 2. c. 3. n. 437, &c.* etiam hoc casu negativam verri-

rem & communiorem credit; tamen contrariam rectiorem  
& à pluribus approbatam, cum Negisant. de Pignor. *P. IV.*  
*pr. n. 20. p. m. 282.* statuit, *cit. n. 4.* Consentit illustr. Dn.  
Lyncker in *Anal. ad ff. p. 243. l. 36.*

## AD VARIATIONEM XXI.

IV. D. 106.

N. Obft.

VIII. D. 96.

**A**N bona semel allibrata, sive in catastro oneribus publi-  
cis alligata, ad alium transeuntia novi possessoris immu-  
nitate fruantur. Negat Mev. *IV. D. 106 n. 4.* Videtur autem  
id Affirmare *VIII. D. 96. n. 10.* At verò nullibi indistinctè in-  
telligendus, sed verba in facti speciem temperanda. Nam.  
in *D. 106.* queritur: *An bona paganica, Schenpflichtige*  
*Güter* / ad Nobiles transeuntia, à tributis eximantur? Neg.  
rectè Mev. ibidem. Cum hæc sint onus reale: *l. 3. §. 11. l. 6.*  
*§. 4. de mun: & honor:* hoc vero rei inhæret & ad quemvis  
possessorem transit. *l. f. C. de prad. & omn. reb. navicul. t. t.*  
*C. sine censu.* Nulla habità ratione novi possessoris, adeo  
ut nec Ecclesia autb: item pradium. *C. de s. s. E.* nec Prin-  
ceps, alio jure utatur. *v. l. si divina domus. f. C. de exact. tri-*  
*but.* Quò pertinet *VIII. D. 460.* Nec obstat, quod hodie  
*Nobiles sint immunes à tributis:* id enim non indistinctè in-  
telligendum; sed ratione bonorum feudalium (quibus bona  
*Nobilium in Ducatu Bremensi, quæ ex ceptis paucis non sunt*  
*verè feudalialia. sed allodialia & libera, equiparantur.* v.  
Mev. *IV. D. 33. post. n. 9.*) quorum intuitu servitia equeſtria  
præstant: ergo duplici onere non sunt gravandi; nisi in ca-  
su summæ necessitatis. *R. Imp. 1554. §. Nemlich sollen.*  
*Carpzov. 4. Resp. 70. & 71.* Extra bona illa si paganica sive  
catastrata acquirunt, non sunt exempti à tributis: *l. 11 de Va-*  
*cat. muner. l. 2. 3. 5. C. de muner. patrum:* nisi speciale privi-  
legium aut consuetudo aliud induxerit. Et quamvis vide-  
antur dissentire Fab. in *Cod. L. 9. tit. 29. def. 3 & 14. Tiraqv.*  
*de nobilis. C. 20. n. 168.* tamen intelligendi sunt de consue-

tudi-

rudinibus suarum terrarum, quæ non sunt universales; præsertim in Germaniâ v. *Maulius de Homag. Tit. 9. n. 67.* Obtendit quidem appellans, in casu *Dec. 106.* ejusmodi privilegium Equestre: verum cum hoc jam dudum in controversiam vocatum, etiam quoad bona paganica olim acquisita: v. *n. 1.* non potuit hujus ratio haberi in bonis noviter acquisitis. Uti igitur alibi, ita in Ducatu Bremensi, hodie non procedit argumentum: est nobilis; ergo bona ejus non subsunt tributis. *Frey Mann/ Frey Gut.* Sed alio opus est; nimirum: Bona servitiis equestribus sunt addicta, *es wird davon Rosßdienst geleistet*: ergo à collectis sunt libera. vid. *Mev. IV. D. 33. n. 2. 3. 4.* Patet itaque *D. 106.* satis justam esse. add. *Köpp. D. 61. n. 4.* plenius *Jason. 3. Conf. 83.* Neque contrariatur *D. 96. P. VIII. Speciale enim privilegium, fecit ut ibi debuerit attendi conditio novi possessoris.* Nam licet Professores ab oneribus patrimonialibus non eximantur: *l. Professio 6. C. de muner. patrim.*: ab onere tamen hospitalitatis, (ratione unius domus tantum, *arg. l. 3. §. 2. C. de advoc. 2. v. Brunn. ibid.*) specialiter immunes sunt; *d. l. 6. C. d. Prof. & Med. l. 8 C. de mitat.* idque ne in studiis turbentur, & quia hoc onus reale personalem vexationem habet. *Fab. in Cod. L. 9. tit. 29. def. 26. post. n. 4.*

## AD VARIATIONEM. XXII.

**Q**uatenus *Advocati vel Procuratoris negligentia aut culpa parti noceat?* Dist. *Mev. III. D. 29. v. n. 2. 7.* inter Procuratorem & Advocatum: illius negligentiam nocere Domino, ita ut hic non restituatur in integrum; nisi Procurator non sit solvendo: (quæ tamen Limitatio potius communi Dd: opinioni v. *Gail. I. O. 45. n. 6.* quam Juri debetur. *L. 10. C. de Procurat. v. Frantz k. ad tit. de Procurat: n. 29.*) v. *n. 6* Huic non Obstat *VII. D. 286.* ibi enim eandem sententiam repetit, *n. 7.* & concedit restitutionem secundum

III. D. 29.  
N. Obf.  
VI. D. 209 &  
VII. D. 286.

dum Dd : ( cum quibus loquitur in D. 29. ) Sed addit tan-  
tum n. 8. quod in Tribunali Wisuariensi à Jure Civ. in hoc  
recessum cum partes indistincte restituantur. Id quod me-  
rito ita introductum, quoniam ibi Procuratores Superio-  
rum judicio idonei constituuntur; nec quicquam princi-  
pali imputari potest. Ill: Dn. Lyncker in *Analecf. ad ff. p. 72. pr.* Propter culpam sive negligentiam Advocati ve-  
rò, cum hic non fiat Dominus litis, ut Procurator, L. 22. C.  
*de Procurat.* & propriè dici negligens nequeat, nisi requi-  
situs, indistinctè ( secundum Mauritium de *Restit. in in-  
tegr. c. 397. & c. 407.* ) restitutionem concedit, III. D. 29.  
n. 7. Opponitur VI. D. 209. At verò cum ibi non agatur  
de prajudicio in causa, sed parti tantum pœna pecuniaria,  
propter delictum circa processum, à Judice irrogata fuerat :  
ratio decidendi in eo versatur, quòd parti per retentio-  
nem ( forte salarii ) aut, actionem in factum ex L. Aquilia,  
facile illam recipere liceret. V. cit. Binsfeld de *injur. &  
damn. dat. c. 9. q. 12. conclus. 2. & c.* Secus si culpa Advocati  
prajudicium in causa attulisset; uti in III. D. 29. ubi de ap-  
pellatione per Advocati negligentiam desit à agitur.

### AD VARIATIONEM XXIII.

III. D. 106.  
N. Obf.  
V. D. 141.  
VIII. D. 40.

Est sanè valdè intricata quæstio : quando Judex appella-  
tionis de alio puncto, quàm super quò appellatum, judica-  
re possit ? quæ, propter varias circumstantias, à prudenti  
Judice hîc attendendas, unò ambitu non facile definiri  
potest. Hinc non culpandus Mevius, quando variè de-  
cidit, neque opposita Decisiones sibi contrariantur ; sed, uti  
in Variatione dicitur, ob facti species diversas, diversa sunt ;  
& tamen quævis firmo nititur fulcro : uti ex inspectione  
patefcit. Interim ductu illarum quædam annectemus.  
Regulariter quidem Judex appellationis non potest de alio  
puncto cognoscere, quam super quò appellatum. Fab.



in *Cod. L. 7. tit. 26. de f. 45.* Brunn. *ad l. 4. C. de Tempor. appell. n. 3.* *Mev. Ill. D. 106.* Cum verò per appellationem res iterum deducatur ad statum, in quo fuit tempore Litis Cont. *Gail. f. O. 144. n. 1.* & appellatio devolvat totam causam, quoad connexa & accessoria: *Mev. d. l.* hinc illa regula varias sortitur explicationes Sic enim (1) propter connexitatem causæ v. *Mindan. 3. de continent. causar. c. 21. n. 1.* ubi super incidenti puncto appellatum, si iudici æquum visum, & ad justam causæ decisionem & litis abbreviationem spectet, etiam invito appellatò, omisso articulo incidente, principalem causam definire potest; præsertim si incidentis articuli decisio præjudicium faceret principali; *Mev. 5. D. 141.* secus si causa, in quâ appellatum, capiat præjudicium à principali: tunc enim appellationis receptæ cognitio sive discussio suspenditur, donec principalis causa decisa: *Mev. l. D. 70.* ubi etiam *num. 4.* sub distinctione resolvit, quando iudex appellationis ob præjudicium totam causam ad se trahere possit. (2) Ubi appellatum in causa principali etiam de incidentibus connexis judicari potest; uti eleganter docetur *V. D. 354. conf. VII. D. 109. n. 2.* ubi etiam, quando non obstat allegatio: de hoc in priori instantia nihil actum. *Add. VI. D. 290.* ubi de interveniente. (3) In secunda instantia de alio ferri potest sententia, quam de quo actum in prima, si causæ status mutatus & appellatus renunciat exceptioni, ob quam appellatum, ut in casu *D. 137. P. VI.* Si verò illa, quæ videntur connexa, quæ litem planè sunt separata, neque incidunt, & illorum diversa ratio: tunc non sunt propriè connexa, neque tunc devolvuntur ad appellationis instantiam; de quò agitur in *VIII. l. 4. v. n. 689.* Quænam verò ratione appellationis connexa censeantur? v. *ap. Scacc. de appell. quas. 47. memb. 2. num. 10. &c.* in genere illa prudentis

Judicis arbitrio relinquit Menoch. 2. A. J. Q. cas. 95. n. 4.  
Berl. l. concl. 22. n. 8. Idem fere de tota hac materia dicen-  
dum erit: cum in universum certis legibus non reperia-  
tur decisa, vid. Carpov. in Proc. Tit. 6. art. 3. n. 37.

#### AD VARIATIONEM XXIV.

III. Dec. 123.  
Non Obst.  
IV. D. 387.

**Q**Voniam hæc Variatio, uti ex collatione Decisionum  
liquet, se ipsam resolvit: cum D. 123. P. III. aperte de  
statuto, quoad existentiam & æquitatem certo, per quod  
uxor ex communione bonorum, ari alieno mariti subji-  
tur, agat; adeoque appellatio ab illa merito rejicitur, per  
ea, quæ habet Mey. ibid. v. n. 1. Econtra verò D. 387. P. IV.  
loquatur de appellatione recepta à statuto, quod iniquum  
v. D. 386 imò planè nullum dicebatur: hinc progredimur

#### AD VARIATIONEM XXV.

III. Dec. 166.  
Non Obst.  
IV. D. 169.  
n. 1.

**U**bi occurrit quæstio, utrum socii ex contractibus socia-  
libus conveniantur in solidum? Quæ in genere vix  
affirmari aut negari poterit. propter varias distinctiones  
præmittendas; ut videre est ap Lauterb in Comp. Juris  
Tit. de sociis cum extraneo contrahent. item Disput. de so-  
ciorum obligat. quæ oritur ex convent. cum extraneo inita.  
rb. 11. &c. Conf Illustris Dn. Lyncker. in Annal ad ff. p. 205.  
rbef. 44. Interim aliis negantibus, & socios tantum teneri  
pro eâ parte, quam in societatem intulerunt, statuentibus  
Gail 2. O. 24. n. 9. Christin. 3. D 52. n. 4. Suarez. de divi-  
sion. bonorum. L. 2. c. 4. num. 19. Affirmativam & socios  
semper in solidum obligatos esse, nec gaudere beneficio  
divisionis, tuetur Carpov. 2. c. 17. def 12. add. Joh. Marqv.  
de Jure mercat. L. 2. c. 11. num. 11. &c. quam sententiam,  
ut commercii utilioreni, in praxi receptam, testatur Mey.  
IV. D. 169. n. 1. Opponitur III. D. 166. ubi quod si ex sta-  
tuto conjuges sunt bonorum socii, vidua tantum teneatur  
pro parte, quam in communione habuit, non in solidum.

Sed

Sed causam diversitatis ipse Mev. *ibid.* § III. D. 125. satis inculcat: quodd scilicet hoc *dependeat ex speciali ratione statuti Lubecensis*, de quo *ibid.*: quod vult, *mulierem non ulterius obligari, quam de bonis quæ, in communionem in intro-*  
*lit.* Si igitur uxor bona communia non amplius possidet, sed *divisio facta cum heredibus*, ut in D. 169. aut etiam si adhuc indivisi possidet bona, in societatem collata, *hæc vero non solvendo sint*, non tenetur de aliis bonis, quæ sibi extra communionem reservavit, d. D. 125. propter deficientem causam obligationis & rationem statuti: & eatenus dicitur III. D. 166. n. 5. socium ex societate non teneri ultra partem suam; prout hæc latius exponit in Comment. ad J. Lub. L. 1. tit. 5. art. 7. n. 48. *conf. Cothm. 2. Resp. 51. n. 132. & c.*

## AD VARIATIONEM XXVI.

**A** Contractu nominato ob non servata conventionis placita recedere non licet; sed ad implementum agendum. V. D. 16. N. Obf. II. X. D. 173. n. 11. I. 8. C. de contr. emt. l. 14. de Resc: vend: l. 5. C. de Obl. & A. Mev. V. D. 20. n. 1. Cum vero hoc non indistinctè sed regulariter intelligendum sit; ideoque ex sequentibus patefcet, in oppositis Decis exceptiones haberi. Fallit enim (1) Reg: si ita conventum vel expresse vel tacitè: quo casu tamen, causa quæ discessum à conventis justum facit, requiritur. d. D. n. 4. Sic quando substantiale pactum contractus, quod huic causam dedit, non servatur, tacite id actum videtur, ut à contractu iterum recedatur & hic rescindatur. l. 6. C. de Pact. inter Emt. & Vend. vid: Gotsbofr: *ibid.* Mev. VIII. D. 173. n. 11 in f. Quando enim consensus super illo pacto, tanquam conditione, unicè fundatus; uti in d. l. 6. tunc pactum substantiam consensui induxit. qui non servato pacto atque subtrata conditione, etiam corrui vid. in simili Illustris Dn. Præses in *Anal. ad Dess. 7. Can. p. 107. in f. & ad ff. p. 224.* (2) Fallit ubi in jure permissum, recedere, uti Conductori



ductori in *l. 25. §. 2. ff. Locati. & locatori, in l. 3. C. eod: ubi*  
 locatori concessum, ante finitum contractum ab hoc rece-  
 dere, si pensio non solvatur, si conductor re malè utatur. &c.  
 vid. Schutz in Comp. Jur. p. m. 375. 377. Struv. Ex. 24. §. 12.  
 Ad quas causas respicit Mev. II. D. 34. n. 1. 2. 3. quando dicit  
 quòd ex causa non observati contractus resoluta habeatur  
 locatio; sicque non contrariatur D. 20. P. V. Neque et-  
 iam huic obstat VIII. D. 173. quòd ibi venditor actione em-  
 ti ad remtradendam conventus, absolutus fuerit: *ibi enim*  
*justissima adfuerunt causa*, uti ex inspectione clarius appa-  
 ret: Aut enim dicendum, quoniam in casu hujus Dec. Ven-  
 ditor tempore condicto ad tradendum paratus, emtor in  
 mora recipiendi fuerat, dilationem termini solutionis pe-  
 tierat & impetraverat, at verò post ejus lapsum nihilo ma-  
 gis solverat: postea agentem Emtozem, qui mala fide sub-  
 stantiale contractus non impleverat, non tam pœnitentiam  
 venditoris, quam exceptionem doli, ( quæ b. fidei negotiis  
 inest, *l. 3. de Resc. vend. & l. 2. i. solut. mat.* ) exclusisse. v.  
 latius hæc explicata, d. D. 173. Aut etiam, cum in casu D. 173.  
 res ab utraque parte adhuc integra esset, mutuo consensu  
 per *l. 1. 2. C. quand. lic. ab. emt:* scilicet tacito, ( cum ex-  
 pressus non semper requiratur, ) ab emtione recessum fuisse;  
 prout eleganter concludit in seq. D. 174. conf. Everh;  
*in loco top: ab expresso ad tacitum.* Ex quibus patet ex *l.*  
*14. C. de Resc. Vend:* non rectè colligi, semper necessario  
 ( nec n: Mev. d. D. 20. & 115. n. 4. 5. P. VII. id collegisse vide-  
 tur, sed *regulariter* ibi intelligendus erit ) ad pretium agen-  
 dum esse: cum prædicto casu, & concurrentibus talibus cir-  
 cumstantiis, id non necessum sit.

## AD VARIATIONEM XXVII.

V. D. 346.  
 Non Obstat  
 VI. D. 57.

Quando debitor ex conventionem obligatur, at verò illam nullo modo præstare  
 potest



potest, sed aliam æque idoneam offert: an *creditor cogi possit banc recipere*? Videtur Mev. Affirm. *V. D. 346.* e contra verò negare: *VI. D. 57. in fin.* ubi quòd si creditor persuaderi non possit. non cogatur. Verùm *non affirmat* Mev. *indistinctè D. 346.* sed tantum *cautus*, si mera creditoris malitia apparet, qui nullum interesse à contractu recedendi docere potest; sed præcisè fidejussores expetit. *v. n. s. 6.* Tunc enim jus, quod secundum rigorem juris ipsi quæsitum dici posset, præsuppositis illis circumstantiis iniquum, attendi non debet; sed potius propter summam æquitatem iudex officium suum omninò interponere potest: cum meræ malitiæ non sit indulgendum: *l. 38. de rei vind.* & unusquisque ad id quod sibi non nocet alteri, autem prodest, obligatus sit, & cogi queat. *l. 2. §. 5. de aqua & aqu. plu. arc.* Non igitur repugnat *D. 57.* Ibi enim *postea Creditor sine dubio docuit, ejus interesse, ut accipiat fidejussoriam cautionem*: aliàs magis sibi proficuum à contractu recedere: *v. n. s. D. 346.* tunc enim cogi non potuit, cum nemini faciat injuriam, qui jure suo citra malitiam utitur *v. l. 55. de R. J.*

## AD VARIATIONEM XXVIII.

**A**N *ad huc hodiè tutela pubertate finiatur*? Videntur id <sup>VI. D. 69 n. 1.</sup> negare Gudelin. *de jur. nov. L. 1. c. 18. inf.* Vinn: *ad* <sup>N. O.</sup> *pr. Inst. quib. mod. tut: fin. n. 5* Rittershus. *ibid.* Sed de <sup>VI. D. 29 n. 3, 4.</sup> particularibus consuetudinibus intelligendi sunt Ita de Gallià testatur Faber in *Cod. V. 29 def. 2.* in Belgio etiam tutor curator manere cogitur, Groenevyeg: *de LL. abrogat: add. 6. Inst. pr.* Illustr. Dn Præses in *Anal. ad Institur. p. 66. in fin.* Idem in statutis Lubecens *L. 1. tit. 7. art. 1* & Hamburgensibus *L. 3. tit. 6. art. 21.* provisum: in Saxonià idem obtinere, asserit Richter. I *D. 13. n. 26.* Sed quando Carpzov. 2. *const: 11. def. 10.* dissentit: ejus sententia receptior videri poterat. vid Illustr. Dn: Lyncker in *Anal.*

*ad Instit. p. 59.* Interim Juri Civili meritò insistimus: Donec contrarium doceatur. Consentit *Mev: VI. D. 69. n. 1.* Nec liquet dissensus ex *VI. D. 29.* cum ibi *non dicatur, quòd tutela pubertate non finiatur, quoad tutorem, (de quo questio in D. 69.)* sed quòd illi, qui imperfectæ ætatis usque ad annum 25. quasi in tutela maneant, & *catenus dicit n. 4.* quod hujus & curæ limites sint immutati, & discrimen penè sublatum. Quamvis verò hanc realem differentiam inter Tutelam & Curam, per *R. J. de an. 1577. tit. 32. vers. und ges bieten/* sublatam velint. *Carpzov. 5. Resp. 86. n. 36. Schultz. in Compend. Jur. p. mibi 481. Struv. Jurispr. For. 1. 20. 4.* tamen inde non concluditur ad totalem omnium realium differentiarum sublationem. Sic enim hodie Tutela & Cura adhuc differunt forma & effectn. Illustr. *Dn. Lyncker. in Anal. ad Inst. l. c.* & hodiè tutor datur principaliter personæ, curator verò rei, vid. Præjudicium Jenense apud *Schilt. Ex. 37 ff. 81:* ut ideò curatorem habens, absque hujus præsentis consensu validè suam personam obligare possit *l. 101. de V O.* Cum autem hodiè Tutela & Cura plerumque voluntariè, quamvis non necessariò in uno subjecto, continuetur, adeoque novo decreto pro continuanda cura opus non sit v. *Gail. 2. O. 96. n. 6.* Hinc tutorem curam suscipere nolentem mox finitâ pubertate ad rationes reddendas se offerre, administrationem deponere & adulto cnratorem petere, debere, pro Cautela tradit *Brunnem. ad l. f. C. qui pet. tut.* quò neglectò si per tempus aliquod tutor curam continuet, deinceps illum se excusare non posse, *ibid. docet.*

*VI. D. 128.*

*N. Obf.*

*VII. D. 344.*

## AD VARIATIONEM XXIX.

**A***N illis casibus, quibus ecclesiastica vel alia persona forè privilegiati ad onerum præstationem tenentur & morosa sunt, à Judice seculari, an verò à suo proprio compelli debeant? Distingv: Mev. VII. D. 344. n. 5. inter onera*

*mixta*

*mixta*, quæ personis pro rebus incumbunt, & inter *onera merè realia*: Ad illa, veluti collectas, quando Clerici & aliæ personæ privilegiatæ tenentur, per judicem proprium adigendas esse; ubi verò res onera sustinet, sinè omni intuitu personarum, à judice seculari, æquè ac laicos, compelli possent. Quoad ultimum putatur B. Dn. Mev. sibi discors esse *VI. D. 128. n. 1. 2.* quasi ibi velit, quod Clerici & Professores, quando debent præstare collectas, pro reparatione fontium & fossarum, à magistratu seculari sive Civitatis non possint adigi. Sed videtur potius in *d. D.* ex mente Canonistarum disputare. Hinc *post n. 2* dicit: *justum videri poterat, ut: Clericos à magistratu ecclesiastico compelli debere, existimatur, per c. 7. X. de immunit. ibid. Canonist.* Vult itaq; Mev. tantum demonstrare, quid forte pro Clericis & Professoribus posset allegari; non autem exinde pro illis decedit. Sed quoniam Magistratus inveteratam consuetudinem pignorandi in ædibus Clericorum & Professorum, obtendebat; cum pleniori causæ cognitione de illo statuendum esse, expressè in fin. addit. Neque etiam *Dec. 344. n. 5.* Obst. *VIII. D. 2.* Ibi enim de *onere personali*, v. *D. 1. post n. 5.* agitur; aut etiam *D. 2.* intelligi potest de *mixtis, ad quæ immunes extraordinariè tenentur*: at verò in his exemptos per suum Magistratum compelli, non negat. in *Dec. 344. n. 5.* Quid, si diceretur reparationem fontium & fossarum, in eò loco, ad quem data est Decisio *128. P. VI.* fuisse onus mixtum: cum hodie una onerum species, pro modo impositionis & voluntate imperantium, ad diversa istorum genera referri possit; uti de reparatione putei tradit Mev. *IV. D. 127. n. 3. 7.* add. Heig. *I. quest. 17. n. 27.* Cœterum *Dec. 344. & VI D. 260.* non culpandæ erunt, per ea, quæ habent citati Auct. ibid: In merè enim realibus & ordinariis oneribus Clericos, præsertim *moribus nostris*, non gaudere

fori privilegiò, constat: v. Klock. *de Contribut. c. 18. n. 161.* adeò ut Flores Diez de Mena *Forens. quest. 21. n. 225* scribat: exactores pignora è domibus Clericorum sumere possent. Hoc verò eò magis procedit, quando tenentur ad onera, quæ moram non patiuntur, (quò pertinet *reparatio viarum*, de quâ in *D. 344. P. VII* & aggerum in *Dec. 260. P. VI.*) v. *l. 1. de damn. infect.* indeque nullum in præstandis ejusmodi oneribus discrimen Jurisdictionis admittitur. Dn. Jodoc. Hackman. *de Jure aggerum c. 10. n. 332. c. 12. n. 197. c. 17. n. 12.*

### AD VARIATIONEM XXX.

VI. Dec. 383.  
N. Obft.  
VIII. D. 406.

QVòd in Tribunali Wismar. *secunda dilationis redintegrationis*, sinè solennitate legali sive juramenti præstatione, concedatur, ob *impedimentum notorium*, quò durante quis probatione defungi nequit, *modò tamen petatur, expressè allegatà causa*, tradit Mev. *VI. D. 383.* Inter hanc & *VIII. D. 406.* adducitur dissonantia; sed statim in fine Variat. resolvitur: scilicet per *Dec. 383.* meritò denegatam fuisse redintegrationem, cum *impedimentum non notorium, nec à parte petitionis causa allegata*; sed tantum generaliter petum fuerit, dari dilationem, v. *post. n. 4.* E contra verò in *D. 406.* impedimentum fuisse *notorium & conformiter procuratorem petiisse*, v. *pr.* ergò impetrasse.

### AD VARIATIONEM XXXI.

VI. Dec. 386.  
N. Obft.  
VII. D. 136.

U Suras ultra alterum tantum non deberi constat, ex *l. 27. §. 1. c. de Usuris.* Hanc *L. 27.* moribus nostris non attendi, cum hodiè usuræ ut interesse petantur, cum aliis (quos v. ap. Tabor. *P. II. de Ale. tant.*) vult Cothm. *2. Resp. 52. num. 260.* Pro Jure Civ. tamen, cum Tabore & cæteris accuratioribus, pugnat Illustr. Dn. Lyncker. *in Anal. ad ff. p. 257.* An verò *Piis locis usura ultra alterum tantum debeantur?* Aff. Carpzov. *4. Resp. 49.* argumento à Civitatibus,



ribus, quibus per *Nov. 150. c. 1.* debentur; tum quòd pia loca usuras non ut tales, sed ut interesse accipiant. Cum verò hæc sententia expresso juris textu destituatur: negativè decidit *Mev VI. D. 386 v. n. 6. 7.* Obstat *VI. D. 136.* ubi ultra alterum tantum piis locis adjudicata sunt. Sed *non tam ex prædictis causis & argumentis*, quæ ab initio secundum *est. Dd.* tantum refert, verum *summa æquitate & quasi necessitate* (quæ uti alibi jus fecit: *l. pen. de Legib.* ita & in casu *1. 136.*) *postulante*, ne pietas destitueretur, sicque ob interesse maximi damni emergentis; *v. n. 6.* cujus longè alia ratio, ac usurarum & interesse lucri cessantis. Halin. ad *Wes. post Tit. de Naut. fœn. addit. 1. p. m. 71.* Erant enim in casu *Dec. 136.* usuræ piis locis relictæ ad sustentationem: ne igitur pietas periret, omninò exceptio à regula *D. 386. P. VI.* statuenda erat. Latet igitur ratio decidendi, & conciliationis, in verbis fin. *D. 136. ibi. Potissimum quod mover, putavimus fore, quòd usura ista sustentationi piorum locorum dicata sunt, veluti alimenta, ut aut oporteat illas adjudicare, aut verò pietatem destituere & illa pessundare.* Est itaque singularis casus. Huc pertinet pium monitum Heigii quòd refert *Richt. Dec. 74 n. 34.* de toto usurarum genere, ex variis circumstantiis personarum, temporum, qualitate, adhibitis æquitatis, utilitatis, & collatis dilectionis Christianæ gradibus, statuendum. & in hac causâ æquitatem à jure minimè sejungendam esse.

## AD VARIATIONEM XXXII.

**Q**uod generaliter ponitur in *VII. D. 56. pr. de appellatio-* VII. Dec 56.  
 ne in Criminalibus, per Germaniæ consuetudinem, in N. Obft.  
 Camerâ approbatam, *Ord Cam. P. II. tit 28. §. item Nach-* VI. D. 221.  
*deni audy.* non admittendâ: *facilè erit temperandum*, ex  
*D. 221. n. 2. P. VI. scilicet Scholarium causis exceptis.* Licet  
 enim illa, quæ generaliter ponuntur, etiâ ita intelligenda:

hoc tamen non procedere quoad si species non comprehensam per se patet: nunc autē notum, ejusmodi privilegia, corpori juris inclusa, non contineri sub generalibus prohibitionibus; nisi etiam illis expressē derogatum esse appareat: v. Cothm. Resp. Acad. 31. n. 28. aliās enim mores sive leges generales posteriores secundum priores speciales explicandæ. v. Anton. Gabr. de Legib. concl. l. n. 2. Brunn, ad Auth. Offeratur. C. de Lit. cont. n. 15.

VII. D. 181. n. 1.  
N. Obst.  
IV, D. 140.

Pariter etiam *indistincta locutio* D. 181. n. 1. P. VII. quod exceptio, quæ nocet cedenti, opponi possit cessionario, *limitanda*, juxta Dec. 140. n. 5. 7. P. IV. nisi scilicet ex causa onerosâ, it. si non ex voluntate, sed necessitate, facta cessio. Quamvis verò hæ Limit. præsertim quoad exceptionem compensationis, quæ in rem est, de subtiliori juris ratione non procedant, (indeque videatur excidere Cessionarium creditō sibi cessō oportere, quando debitor ab ipso conventus ei compensationem objicit;) ceu ipse Mey. D. 140. num. 5. testatur; & ex hinc cum aliis dissentiat Frantzk. I, Resol. 13. Struv. Ex. 21. sb. 5. Tamen illas usu fori obtinuisse, Illustr. Dn. Lyncker. in Anal. ibid. p. 197. docet. confer Fab. in Cod. IV. 23. def. 3. Sand. III. p. 17. def. 5. Brunnem. IV. d. 80. modò tamen cessionarius non directis sive mandatis actionibus; sed utilibus & quasi propriis, ex Rescriptō Divi Pii, l. 5. & seqq. C. de hered. & act. vend. utatur. Fab. XII. conject. c. 9.

### AD VARIATIONEM XXXIII.

VII. Dec. 193.  
N. Obst.  
Ejusd. P. VII.  
D. 384.

**A**N post finitam causam & dictam sententiam, nudò partium consensu, possint aboleri, aut circumduci, acta. Neg. per l. 45. pr. de re judic. Mey. VII. D. 193. n. 2. Videtur ob stare VII. d. 384. post num. 3. ubi dicitur; quòd acta non soleant partibus post finitam causam reddi; nisi re integra aut utriusque partis consensu. Sed jam in fine Variat.

riat. responsum, *ultimam D. 384. intelligendam secundum D. 193. n. 4.* nisi scilicet aliæ circumstantiæ prohibeant, quò minus partibus consentientibus mos geratur. Posset fortè addi: *prædicta verba, D. 384. n. 3. non conjunctim, sed separatim, esse accipienda:* nimirum, post finitam causam non reddi acta, benè tamen re adhuc integrâ: id est, ubi nihil dum actum ante Litem contest.; vel etiam post hanc, partibus consentientibus, usq; ad sententiam, *per l. 45. pr. de re jud.* vid. *Gothofr. ib.* & secundum allegatum Gail. *l. O. 134. num. 22.* videtur hæc, *Meyi* mens fuisse; neq; etiam aliàs apparet, quid sibi vellent *ye. ba:* *Post finitam causam, nisi re integra.*

## AD VARIATIONEM XXXIV.

**A**N minor restituatur in integrum, si tutor vel curator, VII Dec 186.  
N. Obf.  
VIII. D. 801  
cujus negligentia læsus sit, solvendo sit? Affirm. *l. 2. §. C. si tut. vel curat.* vid. sæpè memoratus Illustris Dn. Lyncker. in *Anal. ad ff. p. 84. pr.* Kettler. *Decis. 51. n. 26.* (quamvis ex præjudicio, *ibid. n. 24.* appareat, Rhintelenses JCTos contrarium respondisse;) adeò ut etiam, si minor ordinarium Remed. elegerit, tamè variare possit. *l. f. C. eod.* Consentit *Mey. VII. D. 286.* etiam si in judicialibus læsus minor, *v. pr. n. 3. &c.* Sed videtur sibi reclamare. *VIII. D. 80. n. 8.* At verò cum in *bâc Dec. n. 5. 6. sententiam, D. 286. expressè repetat,* non credendum, quòd statim *num. 8.* sui adeò oblitus fuerit, ut contrarium assereret. Ergò *num. 8. commodè ita explicatur:* cum curator ob malam administrationem conventus, opponeret, minori per beneficium restitutionis in integrum consultum esse, adeoque se non teneri: *v. n. 4.* ad manifestam hujus exceptionis absurditatem demonstrandum, videtur, *Mey. n. 8.* id tantum inferre vel-  
le; Positò (non tamen concessò) secundum communem  
Pd.

D opinionem, iis, contra quos petitur restitutio, exceptionem aliquam, curatorem solvendo esse, competere: tamen inde non sequitur, etiam tutori vel curatori proficere, quod restitutionis imploratione pupillus indemnitas servari possit; propter apertam diversitatis rationem: culpa enim sua nemini prodesse & alteri nocere debet. *l. 14. de cond. indeb.*

## AD VARIATIONEM XXXV.

VII. Dec. 346.

N. Obr.

VIII. D. 12.

**P**RO meliori intellectu dicendorum, præsciendum, in VII. D. 346. quaeri: An producto instrumento sine protestatione, si etiam adversarius ex illo suam intentionem probare conatur, producens postea illud hoc in puncto falsum aut imperfectum dicere possit? *v. pr. verb. fidem illius, & post n. 4. Neg. Mer. ibid.* cum semel totum approbaverit; secus si productioni protestationem adjecisset. Ne autem huic asserto, de protestatione, obstat VIII. D. 112. n. 3. ubi protestationibus effectum denegare videtur. Distinxy. erit *inter protestationem, quâ quis intendit evadere tacitam illam approbationem instrumenti, in passibus sibi nocivis invalidi aut imperfecti: & inter protestationem, quâ quis intendit impedire, ne productio instrumenti aliâ perfectio, adversarius in partibus sibi proficuis uti possit.* Illa protestatio, de quâ pro substratâ materiâ intelligenda, VII. D. 346. n. 12. necessaria & omninò valida est: cum quis non unice se fundet in protestatione; sed in parte instrumenti per se non probante, modò ne videatur illam approbare. vid. Saccia. de Judic. *l. 2. c. 11 n. 50. effectus l. in f.* Hæc verò, quò pertinet D. 112. n. 3., nulla est: cum quis unice se fundet in protestatione, quæ facto contraria. *v. Berl. I. concl. 43. n. 21. Heig II. q. 4. n. 35.* quoniam instrumentum alias perfectum, per productionem fit commune. *Auctor. cit.* & quantvis hoc de capitulis connexis, non verò diversis, intel-



intelligi velit Cachetan. *D. 39. n. 26.* tamen dissentit Scaccia *d. l. n. 60.* ubi etiam in *seqq.* latius de effectu protestationum videri potest. Alii volunt etiam hanc protestationem, de qua in *D. 112.* utilem esse in productione instrumentorum, nisi adversarius statim instrumentum reproducat, & protestetur, se hoc uti velle in quantum pro se: tunc producentis protestationem invalidari. Sed vid. Dissent. Jason. in *L. morte ejus, qui. num. 26. de nov. oper. nunciat.*

### AD VARIATIONEM XXXVI.

**S**ub distinctione ex Berl. *I. D. 132. n. 7.* in fin. Variat. ad-  
ducta, utraque Decisio *215. & 328.* bene se habet: scilicet quod consors causæ invitò alterò consorte liti renunciare non possit; (præsertim, ubi speciali conventionē de conjunctim lite peragenda semet obstrinxerint,) si *hujus interest*; de quò casu agit *D. 215.* uti *expr.* apparet: secus verò, si quis renunciat *sine detrimentò* consortis. Sic capienda, *D. 328. & VII. D. 352.* neque tunc alter consortium amplius totam causam agit, sed tantum de suo jure & interesse experiri potest.

VIII, Dec. 15  
N. Obf.  
VIII, D. 328.

### AD VARIATIONEM XXXVII.

**H**ic ante omnia pro fundamentò conciliationis inquirendum erit, cujus sententiæ sit Mevius, in quaestione:  
*An ad omnem novationem, & sicutiam delegationem, probandam requiratur, ut animus novandi verbis sit expressus?* Hunc ad delegationem non requiri, sed istam factam esse, per urgentes conjecturas probari, cum communi Dd. scholâ, Hahnio ad *Wes. tit. de Novation. n. 8.* Bachov. *II. D. 29. tit. 6. lit. a.* Gail. *II. Q. 30. n. 7. 8.* statuit Mevius *II. D. 240, 241.* & passim, vid. tamen Dissent. Carpzov. *II. Consf. 19. def. 16.* Illustr. Dn. Lyncker. *ad ff. p. 445. & ad Instit. p. 216.* Quoad novationem in specie distingv. Mey. aut

VIII, D. 392  
N. Obf.  
II, D. 331.

obligationes sunt *compatibiles*, & *dubium est*, an prior obligatio sit *sublata*: tunc expressa mentione animi novandi opus esse, quò pertinet II. D. 338. n. 1. 6. 7. it. V. D. 56. in f. Aut verò obligationes sunt planè *incompatibiles*, & *res de novatione non est dubia*; quando scilicet expressè inter partes actum, se priorem obligationem sublatam velle, & debitorem liberatum esse debere, ut in casu D. 404. n. 2. 3. P. V. Tunc non necesse esse, ut animò novandi id actum esse, addiderint; cum factò ipsò inita sit novatio, idq; satis eruditè in A. D. explicat. Consentiant Menoch. III. præs. 134. n. 39. & Gail. l. c. n. 3. Frantzk. Ex. XI. q. 10. Sic etiam præsumptiones validissimas admittit Brunn. ad L. 2. n. 2. ff. de pignor. act. (& tamen ope exceptionis debitorem tantum jubendum esse, docet Illustr. Dn. Lyncker. in Anal. ad ff. p. 444. in fin.) Hæc erit mens Mevii circà L. fin. C. de Novat. nec ullibi videtur contrarium tradere. His præmissis apparens varietas, inter D. 392. P. VIII. & 338. P. II. se ipsam resolvit; modò casus diversi & circumstantia probè attendantur. Qu. (1) quando unus plurium cohæredum promittit, se commune æs alienum soluturum, creditor etiam hoc contentus, & ab isto creditum petere elegit, an inde cæteri cohæredes liberati? Affirm. Mev. VIII. D. 392. cum is actus nil aliud sit, quàm *delegatio*, v. num. 3. 4. 5. Ad hanc enim requiritur substitutio novi debitoris, voluntas delegati & Creditoris illum recipientis: v. L. 11. ff. de novat. l. 1. & 6. C. eod. hæc omnia intervenisse, non poterat non colligi exindè, quòd unus cohæredum æs alienumolvere promiserat, & creditor illò semel contentus, ab isto creditum petere elegerat, & ejus nomen bonum receperat. Nunc autem, ut suprà dictum, ad probandam delegationem, secundum Mevium & Dd. commun. urgentes conjecturæ sufficiunt; ergò cæteri liberati erant. Alia verò est ratio D. 338. P. II.

(quæ

(quæ *de novatione in specie* agit,) hinc Quæst. (2.) quando filius defuncti debitoris creditum istius in se recipit, sequè debitorem constituit: an exindè *novatio* facta probetur, & sic prior obligatio sublata? Negat rectè *Mev. d. D.* cum hæ obligationes sint planè *compatibiles*: nam filius defuncti debitoris cum hoc pro unâ personâ habetur, sicque *in dubio novatio non præsumitur*, *V. n. l. s. 6. 7.* adeoque in casu *D. 338.* potius erat accessio, quam expromissio, nec beneficium separationis amissum esse dici poterat, cum ibi creditor non inierat contractum alium eâ mente, (ut in *D. 392.*) quasi heredem eligendo, quod tamen in *l. i. §. 10. de separat.* requiritur, ut beneficium cesset. Obiter notandum quibusdam casibus, ubi scilicet nihil aderat, unde poterat colligi novatum esse, jam de Jure ff. ad inducendum novationem expressione speciali opus fuisse; uti ex *l. 58. de V. O. l. 29. §. 1. de novat.* patescit. vid. Illustr. Dn. Lyncker. in *Anal. ad Inst. p. 216.* ideo male à quibusdam colligi, Tribonianismum in illis LL. latere, demonstrat *F. b. III. conjectur. 3.*

## AD VARIATIONEM XXXVIII.

**A**N, si creditor immixtus in bona debitoris, post aliquot annos possessionem amittat, & debitor illam sine spolio recipiat, ille statim sit restituendus. Affirm. nisi iusta exceptio illi obstet, *l. i. §. 5. Ne vis fiat ei, qui in poss.* qualis est exceptio liberationis, creditorem jam suum recepisse; modò tamen liberatio statim probetur: aut allegans tantum fidei pro se faciat, ut onus probandi contrarium in adversarium rejiciatur, quod fit ex præsumptione juris aut plurimis conjecturis, quæ illi æquiparantur. *Mev. IX. p. 36 v. post n. 6.* Cui non videtur refragari *D. 82. ejusd. P.* Cum enim appellans, uti apparet ex *D. 36. post n. 6.* tam *urgencia argumenta facta liberationis proferret*, & hanc tam verosimilem

IX. Dec. 36.  
N. Obst.  
ejusd. P. D. 82.



milem faceret Judici, *ut non aliter credi potueris, quàm debuit jam esse exsolutum*, adeoque Judicem à quò iniquè exceptionem liberationis rejecisse: hinc non injustè processus appellatorii decreti, cùm hi in dubiò (multò magis, ubi *tanta argumenta iniqua sententia à quò proferuntur*) non sint denegandi. Gail I. O. 150. n. 10. Postquàm verò in discussione gravaminum, & causæ cognitione, illa, *que ad narrata appellantis vera præsupposita fuisent, longè aliter*; (utipateret ex verb. post n. 8. D. 82. P. IX.) se haberent, quòd scilicet exceptio liberationis, tam verosimilis antea facta, ex possessione priorì non poterat colligi, aut in continenti doceri: hinc collapsò fundamentò, D. 36. cui decretum processus unicè innitebatur, secus sentiendum erat. Præsuppositis igitur hisce circumstantiis utraque Decisio firmò fulcrò gaudet.

#### AD VARIATIONEM XXXIX.

IX. Dec. 166.  
N. Obft.  
ejusd. D. 134.  
n. 8.

**A**N decretò immiſſionis, ex L. fin. C. de Edict. divi Hadr. coll. condemnatio de restitutione fructuum statim adjici possit? Affirmativè decidit Mev. IX. D. 166. Oppon. ejusd. P. D. 134. n. 8. ubi ex Bald. ad l. un. n. 6. C. si de moment. poss. docet appellationem propterea admitti. Sed Resp. quoniam in casu D. 134. etiam propter alias causas, inter quas adducitur, quòd appellans contradictor legitimus esset, quem lex fin. ipsa excipit, &c. v. n. 4. §. 6. 7.) appellationem recipi placuit: videri poterat Mevius solum adjicere voluisse, quòd in fructus quoque condemnatio facta esset; quasi hoc solum si fuisset, ad appellationem idoneum gravamen esse non potuerit: juxta dicta Dec. 166. ut quæ non prosunt singula, juncta juvent. Cùm verò in casu D. 166. res statim liquida esset, & fructus. ut pars hæreditatem augens, hæreditariis bonis accensere oporteret: *vid. cit. Wenzel. de usuris c. 4.* non inmemor quidem

com-



communis sententiæ Jctorum, quæ regulâ nititur,  
*vid. pr.* ex officio tamen prudentis & æqui Judicis uti-  
 lius esse censuit non immerito, ut petita & decernenda  
 immissione, statim etiam de fructibus illò casu pronuncia-  
 retur: cum Judici non conveniat citrà necessitatem lites  
 augere. Conf. cit. Pract. Papiens. *in form. libel. pro hærede*  
*ex testam. in Gloss. ult. in fin.* Quâ ratione, quoniam, ul-  
 trà naturam/possessorii illius ordinariam & regularem, Ju-  
 dex progreditur, nullum dubium est, quin tunc etiam ap-  
 pellatio, quamvis in d. Remedio locum non habeat; ta-  
 men vel ob hoc *solum gravamen* recipienda esset: non  
 quòd *per se* iniquum sit, fructus in hòc judicio adjudicare;  
 sed quòd in illâ specie Judicis sententiam, quæ tamen fortè  
 talis non est, iniquam haberet appellans. Occurrit huic rei  
 quid simile, ut idcirco *Mevius* exemplò non destituatur, in  
 Etione ad exhibendum, l. 9. §. pen. ad exhib. §. 3. Inst. d. Off.  
 Jud. ubi v. Dn. Præsid. *in Analect.* p. 280.

## AD VARIATIONEM XL.

**A**N Creditores hæredi juramentum super solenni inven- VI. Dec. 116.  
 tario indistinctè deferre possint, propter l. f. § 10. C. de Ju- N. Obs.  
 e delib. disputant Dd. Heigius l. 9. 40. n. 21. affirmat, etiam IV. D. 92. &  
 nullo defectu allegatò. Consentit Faber in Cod. L. VI. tit. VI. D. 19.  
 l. def. 25. n. 2. Brunn. ad d. l. f. §. 10. n. 40. adeò ut etiam  
 ab hæredis hærede (quem tamen Hartm. Pistor. III.  
 126. & ibi Schultes in addit. n. 105. absolvunt: add. Carp-  
 ov. III. C. 33. def. 14.) juramentum credulitatis præstan-  
 am esse velit. Negativam verò tuetur Carpzov III. c. 33.  
 f. 8. 9. ubi quòd *demum in subsidium*, si solenne inventa-  
 um non adsit, aut, in hòc defectus verisimiliter de-  
 onstrentur, hæredi juramentum deferri possit. Cui sen-  
 tentiæ ad stipulatur Mev, IV. D. 92. n. 2 & D. 99. n. 3. 4. l. VI.

Putat quidē Brunnem. l. c. Mevium sibi contrariari VI. d. 216. At verò, uti in Variatione monetur, *agitur in hac D. de juramento calumnia*, quando hoc à creditoribus, heredi super inventariò juramentum deferentibus, exigi possit: ubi distingu. *aut adest inventarium solenne, aut non solenne*: hoc casu quia designatio bonorum non valet, nisi jurata, non posse exigi: quia lex juramentum defert, pars tantum petit, secus illò casu, ubi super defectibus solennis inventarii, iis tamen nondum satis probatis, (ex quò patet, Mevium velle illos tamen debere veròsimiles factos esse, secundum d. 92. & 59.) defertur heredi juramentum, tunc juramentum calumnia à Creditoribus exigi posse. Ex inspectione, igitur d. 216. liquet, nullam adesse contrarietatem.

## AD VARIATIONEM XLI.

II Dec. 94. 95.

VI. Dec. 3 9.

VII. D. 236.

&c.

N Obs.

IV. D. 111.

**A**N bodiè contra Reg. L. 38. §. 17. de V. O. alter alteri stipulari possit? Negat Mev. VIII. d. 220. & 439. II. d. 94. VI. d. 319. post n. 10. VII. d. 336. n. 2. & passim. Opponitur IV. d. 112. ubi de consuetudine contrarià testari videtur. Sed cum non inveniatur, quòd secundum illam unquam deciderit, dicendum erit, quòd ibi *magis ex vulgari Dd.* (qui *exceptiones* à regulà minùs rectè *moribus* imputant, vid. Illustr. Dn. Lyncker. in *Diss. de Pactis apbor.* II.) *quam verà suà opinione loquitur*: hæc enim longè alia apparet ex d. D. 220. ubi ex solò illò principiò Juris Civilis in l. 38. §. 17. de V. O. appellatio recepta. Sufficiet ergò pro conciliatione, quòd d. 112. *ratio decidendi non in vulgari, quam putant consuetudine, sed in Exceptione à regulà*, fundata sit, quoniam ibi per actum naturalem, ut in tuti dationem, alteri simul obligatio quasita erat: quò casu *fallit* regulà. vid. L. 9. §. 8. d. R. C. l. 127. §. 2. de V. O. l. 53. de A. R. D. sicuti etiam in omnibus contractibus realibus, qui traditione rei nostræ, aut ejus, cui sit stipulatio, perficiuntur, cessat.

arg.

*arg. l. 8. C. ad exhib. l. 5. C. si cert. pec.* Vid. Illustris Dn. Lyncker, Patronus noster omni observantiæ cultu perpetuum devenerandus. in *Anal. ad Instit. p. 192. pr.* ubi adhuc alia exceptiones: quales etiam continentur in *P. II. D. 94.* ubi de fisco, cui acquiritur obligatio: it. *D. 95.* ubi quod procurator Domino recte stipuletur: & in *D. 319. P. VI.* ubi stipulantis & ejus, cujus gratiâ facta stipulatio, intererat. vid. Carpzov. II. *Const. 33. def. 26. 27.* Reliquas exceptiones tradit Ferdin. Arias de Mesa III. *Resolut. c. 50.* Interim eatenus regula est perpetua, ut nunquam alteri ex stipulatione alterius directæ actio competat. Bachov. *ad §. 1. Instit. de inutil. stipular.*

## AD VARIATIONEM XLII.

**Q**UOD contra sententiam in *D. 143. P. IX.* per *D. 193. ejusd.* IX. Dec. 143.  
*P.* restitutio in integrum concessa in eò facile excu- Non Obs.  
 sandus Mevius, nec exinde sibi contrariatur. Cum enim ejusd. P. D. 193  
*ab initio status causa ita formatus esset, quasi ex judicio*  
*familia berciscunda, de acquirenda & dividenda hæredita-*  
*te, ageretur, & appellati prætenderent, hæreditatem aditam*  
*esse, per sequentem declarationem à prædecessoribus fa-*  
*ctam: Si quid ex bonis, post solutum as alienum, supererit,*  
*se in eò cum aliis cohæredibus succedere velle, v. D. 143. n. 2.*  
 non potuit aliter, (cum modi illi, ex quibus aliàs hæreditas  
 non adita transmittitur, nempe ex jure fuitatis, sanguinis,  
 & deliberandi, de quibus vid. cit. Rauchbar II. *q. 15.* & ele-  
 ganter Esbach ad Carpzov. II. *c. 14. def. 23.*, in specie facti  
 deficerent,) quàm negativè decidi, per *l. 51. §. fin. de ac-*  
*quir. hæred.* nimirum hereditatem non aditam non trans-  
 missam esse: Hæreditas enim purè non sub conditione  
 adiri debet, cum sit actus legitimus, qui non recipit con-  
 ditionem aut diem; (scilicet hominis, bene tamen legis.  
 Illustr. Dn. Lyncker. in *Anal. ad Instit. p. 45. §. 3. & p. 58.*  
118.



tit. 32. pr.) L. 77. de R. Jur. Itaque hætenus D. 141. firmò nititur fundamentò. Postquàm verò (uti expressè in D. 193. post n. 2. dicitur,) deindè *aliter, & quidem rectè, controversia status poneretur*, non de hereditate, sed de legitimâ sive portione statutaria, (quæ filiabus Nobilium in Ducatu Bremenſi, juxta jus Equestre, in bonis avitis, ut heredes non succedentibus, v. post n. 5. debetur,) quæſtionem esse, prior ſententia non tam mutata, quàm ad justam speciem facti alia dicta: nempe portionem illam ad hæredes transmissam esse: cum expediti juris, quòd legitima, quæ in effectu pars bonorum, Illustr. Dn. Lyncker. in Anal. ad ff. p. 101. Carpzov. III. Const. 12. def. 10. n. 3. 4. non debeatur, nisi deductò ære alienò. L. 8. §. 9. de inoffic. test. Carpzov. I. c. 28. def. 157. adeoque hanc non posse peti, nisi sub conditione; imò talem declarationem, de quâ suprà, non requiri: nam & non agnita ad heredes quoscunque transmittitur. v. Hahn. ad Wesf. ad Tit. quand. dies legat. n. 6. in fin. p. m. 375. Quod toties loquum habet, quoties lucrum, siye portio aliqua, uti in casu D. 193. non defertur, ut hereditas, vel ut pars hereditatis: tunc enim sine agnitione transmittitur ad hæredes, v. Gail. II. O. 131. n. 12, 13. omninò Carpzov. III. c. 14. def. 25. & 26. Nihil igitur in dictis Decisionibus Judici imputandum, sed diversimodè à partibus statu controversie formato, diversè quidem, attamen ubivis secundùm solida juris principia decisum; prout Mevius in utraque Dec. accuratè demonstrat.

### AD VARIATIONEM XLIII.

VI. Dec. 222.  
N. Obſt.  
VI. D. 275.

Nunc denique cœteris obicibus remotis, ultimæ hujus Variat. conciliationi invigilandum erit. Ubi Quæſt. An relegatio & cœtera poenæ Academicæ sint tantæ effectus & præjudicii, atque aliis extra Academiam irrogari solita? Negat Mev. VI. D. 222. n. 45. confer Cothm. Resp. Acad.



50. n. 8. 9. Econtra verò affirmare videtur D. 275. post n. 5.  
 ejusd. P. ibi: regeretur fortè, studiosorum carcerem,  
 & relegationem non esse tanti præjudicii & contume-  
 liæ, atque aliis irrogari solitas. Sed valdè ineptè, non  
 pro auctoritate Academicâ, quæ cladem non exilem  
 passa, ex quò permissum est, eas pœnas parvi censerî, &c.  
 Verùm responsum in Variat. ultimum, hoc intelligendum, se-  
 cundùm D. 222. nisi pœnitentiam egerit studiosus & judicii  
 punienti satisfecerit: quod tamen in aliis delinquentibus  
 secus. Videtur itaque Mevius in D. 275. id tantùm inten-  
 dere, quòd ab ipsâ Academiâ, (quæ sinè dubio hòc argumen-  
 tó pro avertendis processibus, qui ibi contrà illam decer-  
 nendi erant, usa,) ineptè id regeretur, cùm sit contrà aucto-  
 ritatem Academicam. Non verò exinde apparet, Mevii  
 mentem fuisse indistinctè statuendi contrà D. 222. n. 4. 5.  
 nullam esse differentiam inter illas pœnas: nam in sequen-  
 tibus D. 275. mitius se explicare videtur, dùm dicit, pœnas  
 Academicas famam juvenum apud viros sapientes fugilla-  
 re, & non parùm (ergò tamen non in totum, uti aliæ relega-  
 tionès quæ extra Academiam imponuntur) existima-  
 tionì nocere; id quod non negaverat in D. 222. dùm ante  
 & post n. 5. expressè dicit, contumeliâ illis inesse: attamen  
 per eruditione & emendatione vitæ diluatur, nil macula post  
 pœnitentiam relinquere. Quid si fortè D. 222. de relega-  
 tione simplici, quæ existimationem quodammodò minuit  
 Cothm. Resp. Acad. l. n. 203. Decisio. vero 275. intelligenda de  
 relegatione cum infamiâ, & aliis pœnis infamibus, quæ  
 ex causis famosis infliguntur. vid. Cothm. Resp. Acad. 50.  
 n. 103. Sicque verbum infamis in D. 275. post num. 4. ad  
 præcedentia referendum esset. Sed nos subtilissimus. Ha-  
 bes igitur B. L. quæ ad indicendam concordiam præceden-  
 tium Variationum, pro modulò nostrò dicenda putavi-  
 mus.

mus. Si quædam convenienter dicta, tibi placere fac,  
quæ non, quò melior & doctior, eò æquius accipe. Vale.  
Tibi interim, D. T. O. M. pro concessis viribus sit laus  
& gloria.

---

## COROLLARIA.

I.

**E**X testamento, quoad solennitatem imperfecto, ne quidem naturalis oritur obligatio.

II.

*Ut quis falsi accusari possit, non sufficit generalis, sed requiritur specialis facti à Lege Cern. notatio.*

III.

*Ad delegationem non præcisè requiritur, ut animus novandi verbis sit expressus.*

IV.

*Actio pro Socio datur etiam ad rerum communium divisionem.*

V.

*Si in adibus locatis incendium ortum, locator contra conductorem non habet intensionem fundatam, sed debes hujus culpam probare. N. O. L. 3. §. 1. de Offic. præf. vig.*

VI.

*Si uxor instituta in usufructu bonorum, & post ejus mortem alius bares sit illa: legataria loco est.*

VII.

*Mulier heretica non gaudet SCto Vellejano.*

VIII.

*Maritus ab hostibus reversus, jure postliminii uxorem sine novò consensu non recipit.*

IX.

*Status Imperii non concurrunt ad exercitium Majestatis; sed tantum ad modum exercendi.*

X. Ju-

X.

*Jurisdictio Episcopalis Ordinibus A. Conf. additis per  
Pacem Religiosam non restituta, sed novâ conventionem ac-  
quisita.*

XI.

*Feuda impropria, etiam vera feuda sunt.*

XII.

*Simultanea investitura non tribuit possessionem, nec  
proprietaem, sed est specialis juris in re species.*

XIII.

*Penes Ecclesiam non est merum Imperium, quia hoc  
jus Canon. ignorat.*

XIV.

*Non solum de Jure Canonico, sed etiam de Jure Civili  
dantur sponsalia de presenti.*

\* \* \*

**C***oncilias doctè MEVH DECISA, perinde  
Tu Tibi Doctorum præmia concilias!*

*Votibus applausus,  
quò*

*Nobil. Dn. Doctorandum,*

*Auditorem suum,  
per aliquot annos,  
maximè industrium,  
merito profequitur*

**PRÆSES.**

**Iesus**

Jesus!  
*Nobilissima, Consultissimoq; Vir,*  
DOMINO

GUSTAVO CAROLO SCHARN-  
HORSTIO,

Supremorum in Jure Honorum Candidato Sapientum cal-  
culo undiquaque probato

STUDII labore improbo, ordine scito, Magistris melioribus  
actis,

quæsitæ SCIENTIA atq; EXPERIENTIA rebus sumis haud impari,

præfulgente in omnibus actionibus CANDORE & infucatæ  
PIETATIS ZELO,

quæ potest, animi contentione gratul.

\* \* \*  
Alta petit virtus. SCHARNHORSTIUS, æmulus astrorum,  
Astræ latus lucida templa subit!

GEORG. GOEZIUS, Past. Prim.

Consist. utriusq; Ass. Sup. Gen.

Cælesteas scimus leges & jura Quiritum.

Matèriam laudis Te cupisse Tux.

Invenit mens ista viam, panditque recessûs

Astræ, ingentes explicuitque sinus.

Nesine teste fies, vis in certamina mitti

Indeque Summorum puncta referre Virûm.

I felix, quæ te virtus vocat, omneque tollit

Se se splendidius, splendidiusque decus.

Cernere da doctum caput, atque ostende, labore,

Quantò constet Honos & Tibi prona Themis.

Honori Nobilissimi Dn. Doctorandi libera-  
liussimo affectu tubant Ejusdem,

apud

Maxime Reverendum Dn. GEORG. GOEZIUM  
Superintend. General.

CONSALINI.

